

四庫全書

史部

欽定四庫全書

史部

史記正義卷五

詳校官編修臣李如筠

欽定四庫全書

史記正義卷五

唐 張守節 撰

秦本紀第五

史記五

秦之先帝顓頊之苗裔

黃帝之孫  
號高陽氏

孫曰女脩女脩織元

鳥隕卵女脩吞之生子大業

列女傳云陶子生五歲而  
佐禹曹大家注云陶子者

皋陶之子伯益也  
此即知大業實皋陶

大業取少典之子曰女華女華生

大費與禹平水土已成帝錫元圭禹受曰非予能成亦

大費為輔帝舜曰咨爾費贊禹功其賜爾皐游爾後嗣  
將大出乃妻之姚姓之玉女大費拜受佐舜調馴鳥獸  
鳥獸多馴服是為栢翳舜賜姓嬴氏大費生子二人一

曰大廉實鳥俗氏二曰若木實費氏其元孫曰費昌子  
孫或在中國或在夷狄費昌當夏桀之時去夏歸商為

湯御以敗桀於鳴條大廉元孫曰孟戲中衍鳥身人言

身體是鳥而能人言又  
云口及手足似鳥也

帝太戊聞而卜之使御吉遂致

使御而妻之自太戊以下中衍之後遂世有功

謂費昌  
反中衍

以佐殷國故嬴姓為顯遂為諸侯其元孫曰中涓

中音仲

音決宋忠注世本云仲涓生蜚廉

在西戎保西垂生蜚廉蜚廉生惡來

惡來有力蜚廉善走父子俱以材力事殷紂周武王之

伐紂并殺惡來是時蜚廉為紂石北方

為于偽反劉伯莊云霍太山紂

都之北也霍太山在晉州霍邑縣按在衛州朝歌之西方也

還無所報為壇霍太山

而報得石棺

紂既已崩無所歸報故為壇就霍太山而祭紂報云作得石柳

銘曰帝令

處父不與殷亂賜爾石槨以華氏死遂葬於霍太山蜚

廉復有子曰季勝

音升

季勝生孟增孟增幸於周成王是

為宅臯狼

地理志云西河郡臯狼縣也按孟增居臯狼而生衡父

臯狼生衡父衡父

生造父造父以善御幸於周繆王得騏溫驪驊騮耳

之駟

騏驎

音

西巡狩樂而忘歸

括地志云崑崙山在蒲州酒泉縣南八十里六

國春秋云前梁張駿酒泉守馬安上言酒泉南山即崑崙之丘也周穆王見西王母樂而忘歸即謂此有石室王母堂珠璣樓殿飾煥若神宮按肅州在京西北二千九百六十里即小崑崙也非河源出處者

徐偃

王作亂

括地志云大徐城在泗州徐城縣北三十里古徐國也博物志云徐君宮人有妖而生卬以為

不祥棄於水濱州孤獨無有大鶴蒼衡所棄卬以歸覆煖之乃成小兒生偃故宮人聞之更取養之及長襲為徐君後鵠蒼臨死生角而九尾化為成龍也鵠蒼或名后蒼括地志又云徐城在越州鄭縣東南入海二百里

夏侯志云翁洲上有徐偃王城傳云昔周穆王巡狩諸侯共尊偃王穆王聞之令造父御乘騶裏之馬日行千里自還討之或云命楚王帥師伐之偃王乃於此處立城以終

造父為繆王御長驅歸

周以救亂

古史考云徐偃王與楚文王同時去周穆王遠矣且王者行有周衛豈得救亂而獨長驅

日行千里乎並言此事非實按年表穆王元年去楚文王元年三百一十八年矣

繆王以趙城

封造父

括地志云趙城今晉州趙城縣是本縣地復改曰永安即造父之邑也

造父族由

此為趙氏自蜚廉生季勝已下五世至造父別居趙趙

衰其後也惡來輩者蜚廉子也早死有子曰女防女防

生旁臯旁臯生太几太几生大駱大駱生非子以造父

之寵皆蒙趙城姓趙氏非子居犬丘

括地志云犬丘故地一名槐里亦曰

廢丘在雍州始平縣東南十里地里志云扶風槐里縣周曰犬丘懿王都之秦更名廢丘高祖三年更名槐里

也 好馬及畜

好火到反 畜許救反

善養息之犬丘人言之周孝王

孝王召使主馬于汧渭之間

汧音薛言於二水之間在隴州以東

馬大藩

息孝王欲以為大駱適嗣申侯之女為大駱妻生子成為

適申侯乃言孝王曰昔我先鄜山之女

申侯之先娶於鄜山

為

戎胥軒妻

胥軒仲衍曾孫也

生中湣以親故歸周保西垂西垂

以其故和睦今我復興大駱妻生適子成申駱重婚西

戎皆服所以為王

言申駘重駘重直龍反西戎皆從所以得為王即孝王

王其

之於是孝王曰昔栢翳為舜主畜畜多息故有土賜姓嬴今其後世亦為朕息馬朕其分土為附庸邑之秦

括地

志云秦州清水縣本名秦嬴姓邑十三州志云秦亭秦谷是也周太史遷云始周與秦國合而別故天子邑之

秦

使復續嬴氏祀號曰秦嬴亦不廢申侯之女子為駘

適者以和西戎秦嬴生秦侯秦侯立十年卒生公伯公伯立三年卒生秦仲秦仲立三年周厲王無道諸侯或叛之西戎反王室滅犬丘大駘之族周宣王即位乃以

秦仲為大夫誅西戎西戎殺秦仲秦仲立二十三年死  
於戎有子五人其長者曰莊公周宣王乃召莊公昆弟  
五人與兵七千人使伐西戎破之於是復予秦仲後及  
其先大駱地犬丘并有之為西垂大夫

注水經云秦莊公伐西戎破之

周宣與大駱犬丘之地為西垂大夫括地志云秦州上邽縣西南九十里漢隴西郡縣是也

莊公居

其故西戎丘生子三人其長男世父世父曰戎殺我大  
父仲我非殺戎王則不敢入邑遂將擊戎讓其弟襄公  
襄公為太子莊公立四十四年卒太子襄公代立襄公

元年以女弟繆嬴為豐王妻襄公二年

括地志云故汧城在隴州汧源

縣東南三里帝王世紀云秦襄公二年徙都汧即此城

戎圍犬丘世父世父擊之

為戎人所虜歲餘復歸世父七年春周幽王用褒姒廢太子立褒姒子為適數欺諸侯諸侯叛之西戎犬戎與申侯伐周殺幽王酈山下而秦襄公將兵救周戰甚力有功周避犬戎難東徙雒邑

周平王徙居王城即雒邑云我卜澗水東澠水西者

也襄公以兵送周平王平王封襄公為諸侯賜之岐以

西之地曰戎無道侵奪我岐豐之地秦能攻逐戎即有

其地與誓封爵之褒公於是始國與諸侯通使聘享之

禮乃用駢駒黃牛羝羊各三祠上帝西時十二年伐戎

而至岐卒生文公文公元年居西垂宮

即上西縣是也

三年文

公以兵七百人東獵四年至汧渭之會曰昔周邑我先

秦嬴於此後卒獲為諸侯乃卜居之占曰吉

括地志云郿縣故城

在岐州郿縣東北十五里毛萇云郿地名也秦文公東獵汧渭之會卜居之乃營邑焉即此城也

即營

邑之十年初為郿時

括地志云三時原在岐州雞縣南二十里封禪書云秦文公作郿時

襄公作西時靈公作吳陽上時並此原上因名也

用三年十三年初有史以紀

事民多化者十六年文公以兵伐戎戎敗走於是文公遂收周餘民有之地至岐岐以東獻之周十九年得陳

寶

括地志云寶雞神在岐州陳倉縣東二十里故陳倉城中晉太康地志云秦文公時陳倉人獵得獸若蟲

不知名澤以獻之逢二童子童子曰此名為媚常在地中食死人腦即欲殺之拍捶其首媚亦語曰二童子名陳寶得雄者王得雌者霸陳倉人乃逐二童子化為雌雄上陳倉北坂為石秦祠之搜神記云其雄者飛至南陽其後光武起於南陽皆如其言也二十年法初有三族之罪二十七年

伐南山大梓豐大特

括地志云大梓樹在岐州陳倉縣南十里倉山上錄異傳云秦文公

時雍南山有大梓樹丈公伐之輒有大風雨樹生合不斲時有一人病夜往山中聞有鬼語樹神曰秦若使人

被髮以朱絲繞桐伐汝汝得不困耶桐神無言明日病人語聞公如其言伐桐斷中有一青牛出走入豐水中其後牛出豐水中使騎擊之不勝有騎墮地復上髮解牛畏之入不出故置鬣頭漢魏晉因之武都郡立然特祠是大梓牛神也按今俗畫青牛障是

四十八年文公太子卒賜諡為靖

公靖公之長子為太子是文公孫也五十年文公卒葬

西山靖公子立是為寧公寧公二年公徙居平陽

帝王世紀

云秦寧公都平陽按岐山縣有陽平鄉鄉內有平陽聚

括地志云平陽故城在岐州岐山縣西四十六里秦寧公徙都

遣兵伐蕩社

括地志云雍州三原縣有蕩陵又

國蓋在三原

三年與亳戰亳王奔戎遂滅蕩社四年魯

始平之界矣

公子翬

音聊即羽父也

弑其君隱公十二年伐蕩氏取之寧公

生十歲立立十二年卒葬西山

括地志云泰寧公墓在岐州陳倉縣西北三十

七里泰陵山帝王世紀云泰寧公葬西山大麓故號泰陵山也按文公亦葬西山蓋泰陵山也

生子三

人長男武公為太子武公弟德公同母魯姬子

德公母號魯姬

子生出子寧公卒大庶長弗忌威壘

音力迫反

三父廢太子

而立出子為君出子六年三父等復共令人賊殺出子

出子生五歲立立六年卒三父等乃復立故太子武公

武公元年伐彭戲氏

戲音許宜反戎號也蓋同州彭衙故城是也

至於華山

下

即華嶽之下也

居平陽封宮

宮名在岐州平陽城內也

三年誅三父等而

夷三族以其殺出子也鄭高渠昧殺其君昭公十年伐

邾翼戎初縣之十一年初縣杜鄭

括地志云下杜故城在雍州長安縣

東南九里古杜伯國華州鄭縣也毛詩譜云鄭國者周

魯內之地宣王封其弟於咸林之地是為鄭桓公按秦

得皆

縣之滅小虢  
虢音古伯反括地志曰故虢城在岐州陳倉縣東四十里次西十餘里又有城亦名

虢城與地志云此虢文王母弟虢叔所封是曰西虢按此虢滅時陝州之虢猶謂之小虢又云小虢尾之別種

十三年齊人管至父連稱等殺其君襄公而立公孫無

知晉滅霍魏耿

括地志云霍晉州霍邑縣又春秋時霍伯國葦昭云霍姬姓也括地志云故耿

城今名耿倉城在絳州龍門縣東南十二里故耿國也都城記云耿嬴姓國也

齊雍廩

雍於宮反廩力

甚反是雍林邑人姓名也

殺無知管至父等而立齊桓公齊晉為彊

國十九年晉曲沃始為晉侯齊桓公伯於鄆

伯音霸

二十

年武公卒葬雍平陽初以人從死從死者六十六人有

子一人名曰白白不立封平陽

即雍平陽也平陽時屬雍並在岐州解在上也

立其弟德公德公元年初居雍城大鄭宮

括地志云岐州雍縣南七

里故雍城秦德公大鄭公城也

以犧三百牢祠廊時卜居雍後子孫飲

馬於河

卜居雍之後國並廣大後代子孫得東飲馬於龍門之河

梁伯芮伯來朝

括地

志云南蒯鄉故城在同州朝邑縣南三十里又有北蒯城皆古蒯伯國鄭元云周同姓之國在畿內為王卿士者左傳云桓公三年蒯伯蒯之毋蒯姜惡蒯伯之多寵人故逐之出居魏今按州蒯城縣界有蒯國城蓋是殷末虞蒯爭田

## 二年初伏

六月三伏之節起泰德公為之故云初伏伏者隱伏避暑也

歷忌釋云伏者何以金氣伏藏之日也四時代謝皆以相生立春木代水水生木立夏火代木木生火立冬水代金金生水立秋以金代火故

## 以狗禦蟲

蟲者熱毒惡氣為傷害人

故礮狗以禦之年表云初作伏祠社礮狗邑四門按礮礮也狗陽高也以狗張礮於郭四門礮却熱毒氣也左傳云血蟲為蠱顧野王

## 德公生三十三歲而立立二年

卒生子三人長子宣公中子成公少子穆公長子宣公

立宣公元年衛燕伐周

衛惠公都即今衛都也燕南燕也周天王也括地志云滑州故

城古南燕國應劭云南燕姑姓之國黃帝之後

出惠王立王子頽三年鄭伯虢

叔

括地志云洛州汜水縣古東魏國亦鄭之制邑漢之成臯亦周穆王虎牢城左傳云宮之奇曰虢仲虢叔

王季之穆也

殺子頽而入惠王四年作密時

括地志云漢有五時在岐州雍

縣南則廊時吳陽上時下時密時北時秦文公夢黃蛇自天而下屬地其口止於廊衍作時郊祭白帝曰廊時秦宣公作密時於渭南祭青帝秦靈公作吳陽上時祭黃帝作下時亦祠黃帝漢高帝曰天有五帝今四何也待我而具五遂立與晉戰河陽勝之十二年宣公卒生

黑帝曰北時是也

子九人莫立立其弟成公成公元年梁伯

括地志云同州韓城縣南

二十二里少梁故城古少梁國都城記云梁伯  
國嬴姓之後與秦同祖秦穆公二十二年滅之  
芮伯來

朝齊桓公伐山戎次于孤竹

括地志云孤竹故城在平  
州盧龍縣十二里殷時諸

侯竹國也

成公立四年卒子七人莫立立其弟繆公繆公任

好元年自將伐茅津

劉伯莊云戎號也括地志云茅津  
及茅城在陝州河北縣西二十里

注水經云茅  
亭茅戎號

勝之四年迎婦於晉晉太子申生姊也其

歲齊桓公伐楚至邵陵五年晉獻公滅虞虢虢虞君與

其大夫百里奚以璧馬賂於虞故也既虜百里奚以為

秦繆公夫人媵於秦百里奚亡秦走宛

宛於元反  
今鄧州縣

楚鄙

人執之繆公聞百里奚賢欲重贖之恐楚人不與乃使人謂楚曰吾勝臣百里奚在焉請以五羖羊皮贖之楚人遂許與之當是時百里奚年已七十餘繆公釋其囚與語國事謝曰臣亡國之臣何足問繆公曰虞君不用子故亡非子罪也固問語三日繆公大說授之國政號曰五羖大夫百里奚讓曰臣不及臣友蹇叔蹇叔賢而世莫知臣嘗游困於齊而乞食餽人

餽音珍粟反銍地名在沛縣

蹇

叔收臣臣因而欲事齊君無知蹇叔止臣臣得脫齊難

遂之周周王子頽好牛臣以養牛干之及頽欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且留再用其言得脫一不用及虞君難是以知其賢於是穆公使人厚幣迎蹇叔以為上大

夫狄繆公自將伐晉戰於河西

按河曲在華陰縣界也

晉驪姬作

亂太子申生死新城

韋昭云曲沃新為太子城括地志云絳州曲沃縣有曲沃故城土人

以為晉曲沃新城

重耳夷吾出犇

重耳奔翟夷吾奔少梁也

九年齊桓公會

諸侯於葵丘

括地志云葵丘在曹州考城縣東南一里一百五十步郭內即桓公會處又青州臨

潞縣有葵邱即傳連  
稱管至父所戍處

晉獻公卒立驪姬子奚齊其臣里

克殺奚齊荀息立卓子克又殺卓子及荀息夷吾使人

請秦求入晉於是繆公許之使百里奚將兵送夷吾夷

吾謂曰誠得立請割晉之河西八城

謂同華  
等州也

與秦及至

已立而使丕鄭謝秦背約不與河西城而殺里克丕鄭

聞之恐因與繆公謀曰晉人不欲夷吾實欲重耳今背

秦約而殺里克皆呂甥卻芮之計也願君以利急召呂

卻呂卻至則更入重耳便繆公許之使人與丕鄭歸召

呂卻呂卻等疑丕鄭有間乃言夷吾殺丕鄭丕鄭子丕豹奔秦說繆公曰晉君無道百姓不親可伐也繆公曰百姓苟不便何故能誅其大臣能誅其大臣此其調也

調音徒聊反言能誅大臣丕鄭云是夷吾於百姓調和也劉伯莊音徒甲反按調選也邪臣誅忠臣用是夷吾能調選兩通也不聽而陰用豹十二年齊管仲隰朋死晉旱來

請粟丕豹說繆公勿與其飢而伐之繆公問公孫支支曰饑饉更事耳不可不與問百里傒傒曰夷吾得罪於君其百姓何罪於是用百里傒公孫支言卒與之粟

以船漕車轉自雍相望至絳十四年秦飢請粟於晉

君謀之羣臣虢射曰

射音石

因其飢伐之可有大功晉君

從之十五年興兵將攻秦繆公發兵使丕豹將自往擊

之九月壬戌與晉惠公夷吾合戰於韓也

左傳云僖公十五年秦晉

戰于韓原秦獲晉侯以歸括地志云韓原在同州韓城縣西南十八里十六國春秋云魏顆夢父結草抗秦將

杜回亦

在韓原

晉君棄其軍與秦爭利還而馬驚

驚音致又勅利反周語云

晉師潰戎馬還泞而

止韋昭云泞深泥也

繆公與麾下馳追之不能得晉君

反為晉軍所圍晉擊繆公繆公傷於是岐下食善馬者

三百人馳冒晉軍晉軍解圍遂脫繆公而反生得晉君

初繆公亡善馬岐下野人共得而食之者三百餘人

括地

志云野人馬在岐州雍縣東北二十里按野人盜馬食處因名馬

吏逐得欲法之繆公

曰君子不以畜產害人吾聞食善馬肉不飲酒傷人乃

皆賜酒而赦之三百人者聞秦擊晉皆求從從而見繆

公窘亦皆推鋒爭死以報食馬之德於是繆公虜晉君

以歸令於國齊宿吾將以晉君祀上帝周天子聞之曰

晉我同姓為請晉君夷吾姊亦為繆公夫人夫人聞之

乃衰經跣白妾兄弟不能相救以辱君命繆公曰我得  
晉君以為功今天子為請夫人是憂乃與晉君盟許歸之  
更舍上舍而饋之七年十一月歸晉君夷吾夷吾獻其

河西地使太子圉為質於秦秦妻子圉以宗女是時

秦地東至河

晉河西八城入秦秦東境至河即龍門河也

十八年齊桓公卒

二十年秦滅梁芮

梁芮國皆在同州秦得其地故滅二國之君

二十二年晉

公子圉聞晉君病曰梁我母家也

子圉母梁伯之女也

而秦滅之

我兄弟多即君百歲後秦必留我而晉輕亦更立他子

子圉乃亡歸晉二十三年晉惠公卒子圉立為君秦怨  
圉亡去乃迎晉公子重耳於楚而妻以故子圉妻重耳  
初謝後乃受繆公益禮厚遇之二十四年春秦使人告  
晉大臣欲入重耳晉許之於是使人送重耳二月重耳  
立為晉君是為文公文公使人殺子圉子圉是為懷公  
其秋周襄王弟帶以翟伐王王出居鄭王居于  
汜邑也二十五  
年周王使人告難於晉秦秦繆公將兵助晉文公入襄  
王殺王弟帶二十八年晉文公敗楚於城濮衛地也  
今濮州三

十年繆公助晉文公圍鄭

左傳僖公三十年晉侯秦伯圍鄭杜預云文公過鄭鄭不

禮

鄭使人言繆公曰亡鄭厚晉於晉而得矣而秦未有

利晉之彊秦之憂也繆公乃罷兵歸晉亦罷三十二年  
冬晉文公卒鄭人有賣鄭於秦曰我主其城門鄭可襲  
也繆公問蹇叔百里奚對曰徑數國千里而襲人希有  
得利者且人賣鄭庸知我國人不有以我情告鄭者乎  
不可繆公曰子不知也吾已決矣遂發兵使百里奚子  
孟明視蹇叔子西乞術及白乙丙將兵行日百里奚蹇

叔二人哭之繆公聞怒曰孤發兵而子沮哭吾軍何也

沮自呂反沮毀也左傳云蹇叔哭之曰孟子吾見師之出不見其入也

二老曰臣非敢沮

君軍軍行臣子與往

與音預

臣老遲還恐不相見故哭耳

二老退謂其子曰汝軍即敗必於殽阨矣

殽音故交反阨音厄春秋

云魯僖公三十三年晉人及姜戎敗秦師于殽括地志云三崴山又名崴岑山在洛州永寧縣西北二十里即古之殽也三十三年春秦兵遂東更晉地過周北門周王

孫滿曰秦師無禮

左傳云秦師過周北門左右免胄而下超乘者三百乘王孫滿尚幼觀之

言於王曰秦師輕而無禮必敗杜預云王城北門也謂過天子門不卷甲求兵超乘示勇也

不敗何

待兵至滑

為八反括地志云緄氏故城在洛州緄氏縣東二十五里滑伯國也韋昭云姬姓小國也

鄭販賣賈人

賈麥卦反賈音古左傳作商人也

弦高持十二牛將賣之

周見秦兵恐死虜因獻其牛曰聞大國將誅鄭鄭君謹脩守禦備使臣以牛十二勞軍士秦三將軍相謂曰將襲鄭鄭今已覺之往無及已滅滑滑晉之邊邑也當是時晉文公喪尚未葬太子襄公怒曰秦侮我孤因喪破我滑遂墨衰經發兵遮秦兵於殽擊之大破秦軍無一人得脫者虜秦三將以歸文公夫人秦女也為秦三囚

將請曰繆公之怨此三人入於骨髓願令此三人歸令  
我君得自快烹之晉君許之歸秦三將三將至繆公素  
服郊迎嚮三人哭曰孤以不用百里奚蹇叔言以辱三  
子三子何罪乎子其悲心雪恥毋怠遂復三人官秩如  
故愈益厚之三十四年楚太子商臣弑其父成王代立  
繆公於是復使孟明視等將兵伐晉戰于彭衙括地志云彭衙  
故城在同州白水縣東北六十里秦不利引兵歸戎王使由余戎人姓名於  
秦由余其先晉人也亡入戎能晉言聞繆公賢故使由

余觀秦秦繆公示以宮室積聚由余曰使鬼為之則勞  
神矣使人為之亦苦民矣繆公怪之問曰中國以詩書  
禮樂法度為政然尚時亂今戎夷無此何以為治不亦  
難乎由余笑曰此乃中國所以亂也夫自上聖黃帝作  
為禮樂法度身以先之僅以小治及其後世日以驕淫  
阻法度之威以督責於下下罷極罷音皮則以仁義怨望  
於上上下下交爭怨而相篡弑至於滅宗皆以此類也夫  
戎夷不然上含淳德以遇其下下懷忠信以事其上

國之政猶一身之治不知所以治此真聖人之治也於是繆公退而問內史廖曰孤聞鄰國有聖人敵國之憂也今由余賢寡人之害將奈之何內史廖曰戎王處辟匿未聞中國之聲君試遺其女樂以奪其志為由余請以䟽其間留而莫遣以失其期戎王怪之必疑由余君臣有間乃可虜也且戎王好樂必怠於政繆公曰善因與由余曲席而坐

按昧在穆公左右相連而坐謂之曲席也

傳器而食問其

地形與其兵勢盡言而後令內史廖以女樂二八遺戎

王戎王受而說之終年不還於是秦乃歸由余由余數  
諫不聽繆公又數使人間要由余由余遂去降秦繆公

以客禮禮之間伐戎之形

韓國云秦穆公都地方三百里并國十四辟地千里隴西

北地郡是也

三十六年繆公復益厚孟明等使將兵伐晉渡

河焚船大敗晉人取王官及鄆

鄆音郊左傳作郟杜預云書取言易也括地志

云王官故城在同州澄城縣西北九十里又云南郊故城在縣北十七里又有北郊故城又有西郊古城左傳云文公三年秦伯伐晉濟河焚舟取王官及郊也括地志云蒲州猗氏縣南二里又有王官故城亦秦伯取者上文公秦東地至河  
以報殺之役晉人皆城守不敢出

蓋猗氏王官是也

於是繆公乃自茅津

括地志云茅津在陝州河北縣太陽縣也

渡河

自茅津南渡河

也封穀中尸

左傳云秦伯伐晉濟河焚舟晉人不出遂自茅津濟封穀尸而還杜預云封埋藏也

為發喪哭之三日乃誓於軍曰嗟士卒聽無譁余誓告

汝古之人謀黃髮番番

晉婆字當作皤皤白頭兒言髮白而更黃故云黃髮番番以申

思謂蹇叔百里侯也

則無所過以申思不用蹇叔百里侯之謀故

作此誓今後世以記余過君子聞之皆為垂涕曰嗟乎

秦繆公之與人周也卒得孟明之慶三十七年秦用由

余謀伐戎王益國十二開地千里遂霸西戎天子使召

公過賀繆公以金鼓三十九年繆公卒葬雍

廟記云秦孝

公造祈年觀德公起蓋在雍州城內括地志云秦穆公冢在岐州雍縣東南二里

從死者百七

十七人秦之良臣子與氏三人

毛萇云良善也三善臣也本傳云子車氏之三

子杜預云子車秦大夫也

名曰奄息仲行鍼虎亦在從死之中

行音胡朗

反鍼音其廉反應劭云秦穆公與羣臣飲酒酣公曰生共此樂死共此哀於是奄息仲行鍼虎許諾及公薨皆從死黃鳥詩所為作也杜預云以人葬為殉也括地志云三良冢在岐州雍縣一里故城內

秦人哀

之為作歌黃鳥之詩君子曰秦繆公廣地益國東服彊

晉西霸戎夷然不為諸侯盟主亦宜哉死而棄民收其

良臣而從死且先王崩尚猶遺德垂法況奪之善人良臣百姓所哀者乎是以知秦不能復東征也穆公子四  
十人其太子瑩代立是為康公康公元年往歲繆公之  
卒晉襄公亦卒襄公之弟名雍秦出也

雍母秦女故言秦出也

在

秦晉趙盾欲立之使隨會

韓昭云晉正卿士蒍之孫成伯之子季武子也食采於隨

范故曰隨會或曰范會季范子字也

來迎雍秦以兵送至令狐

令晉零括地志云令

狐故城在蒲州猗氏縣界十五里也

晉立襄公子而反擊秦師秦師敗隨

會來奔二年秦伐晉於武城

括地志云故武城一名武平城在華州鄭縣東北十

三里報令狐之役四年晉伐秦取少梁前入秦後歸晉今秦又取之

六年秦伐晉取羈馬戰於河曲大敗晉軍晉人患隨會

在秦為亂乃使魏雋餘

雋音受又作犇音同

詳反

詳音

合謀會詐

而得會會遂歸晉康公立十二年卒子共公立共公二

年晉趙穿弑其君靈公二年楚莊王彊北兵至雒問周

鼎共公立五年卒子桓公立桓公三年晉敗我一將十

年楚莊王服鄭北敗晉兵於河上當是之時楚霸為會

盟合諸侯二十四年晉厲公初立與秦桓公夾河而盟

歸而秦倍盟與翟合謀擊晉二十六年晉率諸侯伐秦秦軍敗走追至涇而還桓公立二十七年卒子景公立

景公四年晉欒書弑其君厲公十五年救鄭敗晉兵於

櫟

櫟音歷括地志云洛州陽翟縣古櫟邑也

是時晉悼公為盟主十八年晉

悼公彊數會諸侯率以伐秦敗秦軍秦軍走晉兵追之

遂渡涇至棫林而還二十七年景公如晉與平公盟已

而背之三十六年楚公子圍弑其君而自立是為靈王

景公母弟后子鍼

鉗音

有寵景公母弟富或譖之恐誅乃

奔晉車重千乘晉平公曰后子富如此何以自亡對曰

秦公無道畏誅欲待其後世乃歸三十九年楚靈王彊

會諸侯於申

在鄧州南陽縣三十里

為盟主殺齊慶封景公立四

十年卒子哀公立后子復來歸秦哀公八年楚公子棄

疾弑靈王而自立是為平王十一年楚平王來求秦女

為太子建妻至國女好而自娶之十五年楚平王欲誅

建建亡

太子建亡之鄭鄭殺之

伍子胥奔吳晉公室卑而六卿彊

欲內相攻是以久秦晉不相攻三十一年吳王闔閭與伍

子胥伐楚楚王亡奔隨吳遂入郢楚大夫申包胥來告

急

包胥姓公孫封於申故號申包胥左傳云申包胥如秦乞師曰吳為封豕長蛇以荐食上國虐始於楚寔

君失守社稷越在草莽使下臣告急曰夷德無厭若鄰於君疆場之患也連吳之未定君其取公焉若楚之遂

亡君之土也若以君靈撫之出以事君

七日不食日夜哭泣

左傳云申包胥對秦伯曰

寡君越在草莽未獲所伏下臣何敢即安立依於庭牆而哭日夜不絕聲勺飲不入口七日秦哀公為賦無衣

九頓首而坐秦師乃出

於是秦乃發五百乘救楚

左傳魯定公五年秦子蒲

子虎帥車五百乘以救楚敗吳師於車祥

敗吳師吳師歸楚昭王乃得復入

郢哀公立三十六年卒太子夷公夷公蚤死不得立立

夷公子是為惠公惠公元年孔子行魯相事五年晉卿中行范氏反晉晉使智氏趙簡子攻之范中行氏亡奔齊惠公立十年卒子悼公立悼公二年齊臣田乞弑其君孺子立其兄陽生為悼公六年吳敗齊師齊人弑悼公立其子簡公九年晉定公與吳王夫差盟爭長於黃池卒先吳吳彊陵中國十二年齊田常弑簡公立其弟平公常相之十三年楚滅陳秦悼公立十四年卒子厲共公立孔子以悼公十二年卒厲共公二年蜀人來賂

十六年塹河旁以兵二萬伐大荔取其王城

荔音庚括地志云同

州東三十里朝邑縣東三十步故土城大荔近王城邑

二十一年初縣頻陽

括地志云

頻陽故城在雍州同官縣界古頻陽縣城也

晉取武成二十四年晉亂殺智

伯分其國與趙韓魏二十五年智開與邑人來奔

開智伯子

伯被趙襄子等滅其國其子與從屬來奔秦

三十三年伐義渠虜其王

括地志云

寧慶二州春秋及戰國時為義渠戎國之地也

三十四年日食厲共公卒子躁

公立躁公二年南鄭反

南鄭今梁州所理縣也春秋及戰國時其地近屬於楚也

十

三年義渠來伐至渭南十四年躁公卒立其弟懷公懷

公四年庶長鼂

長丁父反鼂竹達反鼂人名也劉伯莊音潮

與大臣圍懷公

懷公自殺懷公太子曰昭子蚤死大臣乃立太子昭子

之子是為靈公靈公懷公孫也靈公六年晉城少梁秦

擊之十三年城籍姑

括地志云籍姑故地在同州韓城縣北三十五里

靈公卒

子獻公不得立立靈公季父悼子是為簡公簡公昭之

弟而懷公子也

劉伯莊云簡公是昭子之弟懷公之子厲公之孫今史記為簡公是厲公子者

抄寫之誤

簡公六年令吏初帶劍

春秋官吏各得帶劍

漸洛城重泉

重直龍反括地志云重泉故城在同州蒲城縣東南四十五里也

十六年卒子惠公立

惠公十二年子出生十三年伐蜀取南鄭惠公卒出

子立出子二年庶長改迎靈公之子獻公於河西而立

之

西者秦州西縣秦之舊地  
時獻公在西縣故迎立之

殺出子及其母沈之淵旁

秦以往者數易君君臣乖亂故晉復彊奪秦河西地

奪前

所上八城也

獻公元年止從死二年城櫟陽

括地志云櫟陽故城一名萬年

城在雍州東北百二十里櫟陽漢七年分櫟陽城內為萬年縣隋文帝開皇三年遷都於龍首川今京城也改

萬年為大興縣至唐武德元年又改曰萬年置在州東七里

四年正月庚寅孝公生

十一年周太史儋見獻公曰周故與秦國合而別別五

百歲復合合七十七歲而霸王出十六年挑冬花十八

年雨金櫟陽

言雨金於秦國都明金瑞見也

二十一年與晉戰於石門

括地志云堯門山俗名石門在雍州三原縣西北三十里上有路其狀若門故老云堯鑿山為門因名之武德年中於此山南置石門縣貞觀年中改為雲陽縣斬首六萬天子賀以黼黻二

十三年與魏晉戰少梁虜其將公孫痤

在戈反

二十四年

獻公卒子孝公立年已二十一歲矣孝公元年河山以

東疆國六與齊威楚宣魏惠燕悼韓哀趙成侯並淮泗

之間

並白浪反謂淮泗二水

小國十餘楚魏與秦接界

楚北及魏西與秦相接北

自梁州漢中郡南有巴俞過江南有黔中巫郡也魏西  
界與秦相接南自華州鄭縣西北過渭水濱洛水東岸  
向北有上郡郿州之地皆築長  
城以界秦境洛即漆沮水也 魏築長城自鄭濱洛以

北有上郡楚自漢中南有巴黔中周室微諸侯力政爭  
相併秦僻在雍州不與中國諸侯之會盟夷翟遇之孝

公於是布惠振孤寡招戰士明功賞下令國中曰昔我

穆公自岐雍之間修德行武東平晉亂以河為界

即龍門河

也西霸戎翟廣地千里天子致伯諸侯畢賀為後世開

業甚光美會往者厲蹕簡公出子之不寧國家內憂未

遑外事三晉攻奪我先君河西地諸侯卑秦醜莫大焉  
獻公即位鎮撫邊境徙治櫟陽且欲東伐復穆公之故  
地修穆公之政令寡人思念先君之意常痛於心賓客  
羣臣有能出奇計彊秦者吾且尊官與之分土於是乃  
出兵東圍陝城西斬戎之獮王衛鞅聞是令下西入秦  
因景監監甲暫反  
兄人也求見孝公二年天子致胙三年衛鞅  
說孝公變法脩刑內務耕稼外勸戰死之賞罰孝公善  
之甘龍杜摯等弗然相與爭之卒用鞅法百姓苦之居

三年百姓便之乃拜鞅為左庶長其事在商君語中七

年與魏惠王會杜平

在同州登城縣界也

八年與魏戰元里

祁城在同

州澄城縣界

有功十年衛鞅為大良造將兵圍魏安邑降之

括地志云安邑故城在絳州

夏縣東北十五里本夏之都

十二年作為咸陽

括地志云咸陽

故城亦名渭城在雍州咸陽縣東十五里京城北四十里即秦公徙都之者今咸陽縣古之杜郵白起死處

築冀闕

劉伯莊云冀猶事闕即象魏也

秦徙都之并諸小鄉聚

萬二千五

百家為鄉聚猶村落之類也

集為大縣縣一令四十一縣為田開阡

陌東地渡洛十四年初為賦十九年天子致伯

伯音霸又如字

孝公十九年天子始封爵為霸即太史儋云合七十七  
歲而霸王出之年故天子致伯桓譚新論云夫上古稱  
三皇五帝而次有三王五伯此天下君之冠首也故言  
三皇以道理而五帝用德化三王由仁義五伯以權知  
其說之曰無制令刑罰謂之皇有制令而無刑罰謂之  
帝賞善誅惡諸侯朝事謂之王與兵約盟以信義矯世  
謂之伯

二十年諸侯畢賀秦使公子少官率師會諸侯逢

澤

括地志云逢澤亦名逢池在汴州浚儀縣東南十四里

朝天子二十一年齊敗

魏馬陵

虞喜志林云濮州甄城縣東北六十餘里有馬陵澗谷深可以置伏按龐涓敗即此也

二

十二年衛鞅擊魏虜魏公子卬封鞅為列侯號商君

商州

商洛縣在州東八十九里鞅所封也契所封地

二十四年與晉戰鴈門

括地志云鴈門

在許州長杜縣西北二  
十八里今名西武亭

虜其將魏錯

七故

孝公卒子惠

文君立是歲誅衛鞅鞅之初為秦施法

為子  
偽反

法不行太

子犯禁鞅曰法之不行自於貴戚君必欲行法先於太  
子太子不可黥黥其傅師於是法大用秦人治及孝公  
卒太子立宗室多怨鞅鞅亡因以為反而卒車裂以徇

秦國惠文君元年楚韓趙蜀人來朝二年天子賀三年

王冠

冠音館禮記云年  
二十行冠禮也

四年天子致文武胙齊魏為王

五年陰晉人犀首

犀音西地理志云華陰縣故陰晉秦  
惠王五年更名寧秦高祖八年更名

華陰為大良造六年魏納陰晉陰晉更名寧秦七年公子

印與魏戰虜其將龍賈斬首八萬八年魏納河西地九

年渡河取汾陰皮氏

渡河東取之括地志云汾陰故城俗名殷湯城在蒲州汾陰縣北也

皮氏在絳州龍門縣西一

與魏王會應

應乙陵反括地志云故應城因

應山為名古之應國在汝州魯山縣東

圍焦降之

括地志云

三十里左傳云邾晉應韓武之穆也

焦城在陝州城內東北百步因焦水為名周同姓所封

左傳云虞虢焦滑霍陽韓魏皆姬姓也杜預云八國皆

為晉所滅按武王尅商封神

十年張儀相秦魏納上郡

農之後於焦而後封姬姓也

十五縣

今鄜綏等州也魏前納陰晉次納同丹二州今納上郡而盡河西濱洛之地矣

十一年

縣義渠

地理志云北地郡義渠道秦縣也括地志云寧原慶三州秦止地即戰國文春秋時為義渠戎

國之地周先公劉不  
留居之古西戎也

歸魏焦曲沃

括地志云曲沃在陝州縣西南三十二里

因曲沃水為名按焦曲沃二城相近  
本魏地適屬秦今還魏故言歸也

義渠君為臣更名

少梁曰夏陽十二年初臘

臘廬蓋反十二月臘日也秦惠文王始教中國為之故云

初臘臘禽獸以歲終祭先祖因立此日也風俗通云禮傳云夏曰嘉平殷曰清祀周曰蜡漢改曰臘禮曰天子大蜡八伊耆氏始為蜡蜡者索也  
歲十二月合聚萬物而索饗之

十三年四月戊午魏

君為王韓亦為王

魏襄王韓宣惠王也

使張儀伐取陝出其人與

魏十四年更為元年二年張儀與齊楚大臣會齧桑三

年韓魏太子來朝張儀相魏五年王游至北河

按王游觀北河

至靈夏州之黃河也

七年樂池

樂音岳池徒何反裴氏音池也

相秦韓趙魏燕齊

帥匈奴共攻秦秦使庶長疾與戰脩魚虜其將申差

脩魚

韓邑也年表云秦敗我脩魚得韓將軍申差

敗趙公子渴韓太子奐斬首八

萬二千八年張儀復相秦九年司馬錯伐蜀滅之伐取

趙中都西陽

括地志云中中都故縣在汾州平遙縣西十二里即西都也西陽即中陽也在汾州隰

城縣南十里地里志云西都中陽屬西河郡此云伐取趙中都西陽趙世家云秦即取我西都及中陽年表云秦魏文王後元九年取趙中都西陽安邑趙武靈王十年秦取中都安陽本紀世家年表其縣名異年歲實同

所伐唯一處故具錄之以示後世

十年韓太子蒼來質伐取韓石章

韓地

名伐敗趙將泥

趙將名也

伐取義渠二十五城十一年擄里

疾攻魏焦降之敗韓岸門斬首萬其將犀首走公子通

封於蜀燕君讓其臣子之十二年王與梁王會臨晉庶

長疾攻趙虜趙將莊張儀相楚十三年庶長章擊楚於

丹陽虜其將屈匄斬首八萬又攻楚漢中取地六百里

置漢中郡楚圍雍氏秦使庶長疾助韓而東攻齊到湍

湍或作蒲秦將姓名也

助魏攻燕十四年伐楚取召陵丹犁臣蜀

二戎號也臣伏於蜀蜀相殺蜀侯并丹犁二國降秦在蜀西南桃府管內本西南夷戰國時蜀滇國唐初置丹州也

相壯殺屬侯來降惠王卒子武王立韓魏齊楚越

皆賓從武王元年與魏惠王會臨晉

按魏惠王卒已二十五年矣

誅

蜀相壯張儀魏章皆東出之魏伐義渠丹犁二年初置

丞相擲里疾甘茂為左右丞相張儀死於魏三年與韓

襄王會臨晉外

外謂臨晉城外字一作水

南公揭卒擲里疾相韓

武王謂甘茂曰寡人欲容車通三川窺周室死不恨矣

其秋使甘茂庶長封伐宜陽

在河南府福昌縣東十四里故韓城是也此韓之大

郡伐取之三  
州路乃通也

四年拔宜陽斬首六萬涉河城武遂

按此邑本

屬韓近平陽韓世家云貞子居平陽九世至哀侯徙鄭楚世家云而韓猶服事秦者以先王墓在平陽而秦之

武遂去之七十  
里故知近平陽

魏太子來朝武王有力好戲力士任鄙烏

獲孟說皆至大官王與孟說舉鼎絕臄

臄音頻忍反絕  
斷也臄脛骨也

八月武王死

括地志云秦悼武王陵在雍  
州咸陽縣西北十五里也

族孟說武

王取魏女為后無子立異母弟是為昭襄王昭襄母楚

人姓芊氏號宣太后武王死時昭襄王為質於燕燕人

送歸得立昭襄王元年嚴君疾為相

益封蜀郡嚴道縣  
因號嚴君疾名也

甘茂出之魏二年彗星見

彗似歲反  
又先到反

庶長壯與大臣諸

侯公子為逆皆誅及惠文后皆不得良死悼武王后出

歸魏三年王冠與楚王會黃棘

棘紀力反蓋在  
房襄二州也

與楚上

庸

括地志云上庸今房州  
竹邑縣及金州是也

四年取蒲坂

括地志云蒲坂  
故城在蒲州河

東縣南二里即

堯舜所都也

彗星見五年魏王來朝應亭

應音乙  
陵反

復與魏蒲坂六年蜀侯輝反司馬錯定蜀庶長奐伐

楚斬首二萬涇陽君質於齊日食晝晦七年拔新城

楚世

家云懷王二十九年秦復伐楚大破楚軍楚軍死二萬  
殺我將平景缺年表云秦敗我襄城殺景缺括地志云

許州襄城縣即古新城縣也按世家年表則新字誤作襄字

擄里子卒八年使將軍

芊戎攻楚取新市齊使章子魏使公孫喜韓使暴鳶共

攻楚方城取唐昧趙破中山其君亡竟死齊魏公子勁

韓公子長為諸侯九年孟嘗君薛文來相秦與攻楚取

八城殺其將景快十年楚懷王入朝秦秦留之薛文以

金受免

金受秦丞相姓名免奪其丞相

樓緩為丞相十一年齊韓魏趙

宋中國五國共攻秦

蓋中山此時屬趙故云五國也

至鹽氏而還

括地志云

塩故城一名司塩城在蒲州安邑縣按掌塩地之官因稱氏

秦與韓魏河北及封陵

以和

年表云秦與魏封陵與韓武遂以和按河外陝號曲沃等地封陵在古蒲坂縣西南河曲之中武遂

平陽地也

彗星見楚懷王走之趙趙不受還之秦即死歸葬

十二年樓緩免穰侯

括地志云穰鄧州所理縣即古穰侯國

魏冉為相予

楚粟五萬石十三年向壽伐韓取武始

括地志云武始故城在洛州武

始縣西

左更白起攻新城

白起傳云白起為左庶長將兵擊韓之新城括地志云洛

州伊闕縣本是漢新城縣隋文帝改為伊闕在洛州南七十里

五大夫禮出亡奔魏任鄙

為漢中守十四年左更白起攻韓魏於伊闕

括地志云伊闕在洛州南

十九里注水經云昔大禹疏龍門以通水兩山相對望之若闕伊水歷其間故謂之伊闕按今洛南猶謂之龍門也

斬首二十四萬虜公孫喜拔五城十五年大良造白起

攻魏取垣

垣音素前秦取蒲坂復以蒲坂與魏魏以為復垣今又取魏垣復與之後秦以為蒲坂皮氏

予之攻楚取宛十六年左更錯取軹及鄧

括地志云故軹城在懷州濟源縣東十三

里故鄧城在懷州河陽縣西三十一里並六國時魏邑也按二城相連故云及也冉免封公子市

宛公子悝鄧魏冉陶為諸侯十七年城陽君

括地志云濮州雷澤縣本

漢卿陽縣古卿伯姬姓之國周武王封弟季載於卿其後遷城之陽也

入朝及東周君來

朝秦以垣為蒲坂皮氏

蒲坂今河東縣也皮氏故縣在絳州龍門縣西一里八十步

王之宜陽十八年錯攻垣

蓋蒲坂皮氏又歸魏魏復以為垣今重攻取之也

河

雍決橋取之十九年王為西帝齊為東帝皆復去之呂  
禮來自歸齊破宋宋王在魏死溫任鄙卒二十年王之  
漢中又之上郡北河二十一年錯攻魏河內魏獻安邑  
秦出其人募徙河東賜爵赦罪人遷之涇陽君封宛二  
十二年蒙武伐齊河東為九縣與楚王會宛與趙王會  
中陽二十三年尉斯離尉都尉斯離名也與三晉燕伐齊破之  
濟西王與魏王會宜陽與韓王會新城二十四年與楚  
王會鄢鄢於建反又音偃括地志云故偃城在襄州安養縣北三里古鄢子之國又會穰秦

取魏安城

括地志云安城在豫州汝陽縣東南十七里

至大梁燕趙救之秦

軍去魏冉免相二十五年拔趙二城與韓王會新城與

魏王會新明邑二十六年赦罪人遷之穰侯冉復相二

十七年錯攻楚赦罪人遷之南陽

南陽及上邳之穰皆今鄧州也

白起

攻趙取代光狼城

括地志云光狼故城在澤州高平縣西二十里

又使司馬錯

發隴西因蜀攻楚黔中

今黔中府也

拔之二十八年大良造白

起攻楚取鄢郢

鄢郢二城並在襄州

赦罪人遷之二十九年大良

造白起攻楚取郢為南郡

括地志云郢城在荊州江陵縣東北六里楚平王築都之

地也 楚王走周君來王與楚王會襄陵

括地志云襄陵在晉州臨汾縣東南

三十五里土地十三州志

云襄陵晉大夫犇邑也

白起為武安君

言能撫養軍士戰必剋得

百姓安集故號武安故城在潞州武安縣西

三十年蜀

守若伐取巫郡

華陽國志張若為蜀中郡守括地志云巫郡在夔州東百里

及江南

為黔中郡

括地志云黔中故城在辰州沅陵縣西二十里江南今黔府亦其地也

三十一

年白起伐魏取兩城楚人反我江南

黔中郡反歸楚

三十二年

相穰侯攻魏至大梁破暴鳶斬首四萬鳶走魏入三縣

請和三十三年客卿胡傷攻魏卷

卷音邱素反括地志云故卷城在鄭州原

武縣西北七里即衡雍也

蔡陽長社取之

括地志云蔡陽今豫州上蔡水之陽古城在豫州北

七十里長社故城在許州長社縣西一里皆魏邑也

擊芒卯華陽破之

括地志云故華城在

鄭州管城縣南三十里國語云史伯封鄭桓公號鄭十邑華其一也華陽即此城也按是時韓趙聚兵於華陽攻秦即斬首十五萬魏入南陽以和

括地志云懷獲嘉縣即古之南陽杜

預云在晉州山南河北故曰南陽秦破芒卯軍斬首十五萬魏入南陽以和

三十四年秦與

魏韓上庸地為一郡南陽免臣遷居之三十五年佐韓

魏楚伐燕初置南陽郡

今鄧州也前已屬秦秦置南陽郡在漢水之北釋名云在中國

之南舊名陽地故以為名焉張衡南都賦云偃京之南居漢之陽

三十六年客卿竈攻

齊取剛壽

括地志云故剛城在兗州襄丘縣界壽鄆州之縣

子穰侯三十八年

中更胡傷攻趙關與

關於遠反與音預關與聚城一名烏蘇城在潞州銅鑼縣西北二十里趙

秦破秦軍處又儀州和順縣即古關與城亦云趙奢破秦軍處然儀州與潞州相近二所未詳又關與山在潞州武安縣西南五十里趙奢拒秦軍於關與即山北也按關與山在武安故城西南又近武安故城蓋儀州是所封地不能取四十年悼太子死魏歸葬芷陽

括地志云芷陽在雍

州藍田縣西六里三秦記云鹿原聚有霸川之西坂故芷陽也

四十一年夏攻魏取邢

卬懷

括地志云平臯故城本邢卬邑漢置平臯縣在懷州武德縣東南二十里故懷城周之懷邑在懷州

武陟縣西十一里

四十二年安國君為太子十月宣太后薨葬

芷陽酈山

酈力知反在雍州新豐縣南十四里也

九月穰侯出之陶四十

三年武安君白起攻韓拔九城斬首五萬四十四年攻

韓南郡取之四十五年五大夫賁

音奔五大夫官疑賁名也

攻韓取

十城葉陽

葉市涉反

惲出之國未至而死四十七年秦攻韓

上黨上黨降趙秦因攻趙趙發兵擊秦相距秦使武安

君白起擊大破趙於長平四十餘萬盡殺之四十八年

十月韓獻垣雍秦軍分為三軍武安君歸王齕將伐趙

武安皮牢拔之司馬梗北定太原盡有韓上黨正月兵

罷復守上黨其十月五大夫陵攻趙邯鄲四十九年正

月益發卒佐陵陵戰不善免王翳代將其十月將軍張

唐攻魏為蔡尉

為于偽反  
蔡姓尉名

捐弗守還斬之五十年十月

武安君白起有罪為士伍遷陰密

括地志云陰密故城  
在涇州鶉觚縣西即

古密須  
國也

張唐攻鄭拔之十二月益發卒軍汾城旁

括地  
志云

臨汾故城在絳州正平縣東北二十五里  
即古臨汾縣城也按汾城即此城是也

武安君白起

有罪死翳攻邯鄲不拔去還奔汾軍二月餘攻晉軍斬

首六千晉楚流死河二萬人

按此時無楚  
軍走字是也

攻汾城即從

唐拔寧

唐今晉州平陽堯都也括地志云寧新中七國時魏邑秦昭襄王拔魏寧新中更名安陽城即

今相州外城是也

新中寧新中更名安陽

今相州外城

初作河

橋

此橋在同州臨晉縣東渡河至蒲州今蒲津橋也

五十一年將軍摎攻韓取

陽城負黍

今州南府縣也負黍亭在陽城縣西南三十五里本周邑亦時屬韓也

斬首四

萬攻趙取二十餘縣首虜九萬西周君

武公

背秦與諸侯

約從將天下銳兵出伊闕攻秦令秦毋得通陽城於是

秦使將軍摎攻西周西周君走來自歸頓首受罪盡獻

其邑三十六城口三萬秦王受獻歸其君於周五十二

年周民東亡其器九鼎入秦

器謂寶器也禹貢金九牧鑄鼎於荆山下各象九州

之物故言九鼎歷殷至周赧王十九年秦昭王取九鼎然一飛入泗水餘八入於秦中

周初亡五

十三年天下來賓魏後秦使摎伐魏取吳城

括地志云廣城故城

在陝州河北縣東北五十里虞下之上亦名吳山周武王封弟虞仲於周之北故夏墟吳城即此城也

韓

王入朝魏委國聽令五十四年王郊見上帝於雍五十

六年秋昭襄王卒子孝文王立尊唐八子為唐太后

孝文

王之母也先死故尊之晉灼云除皇后自昭儀以下秩至百石凡十四等漢書外戚傳云八子視千石比東更

而合其葬於先王

以其母唐太后與昭王合葬

韓王裒經入弔祠諸

侯皆使其將相來弔祠視喪事孝文王元年赦罪人修  
先王功臣褒厚親戚弛苑囿孝文王除喪十月己亥即  
位三日辛丑卒子莊襄王立莊襄王元年大赦罪人修  
先王功臣施德厚骨肉而布惠於民東周君與諸侯謀  
秦秦使相國呂不韋誅之盡入其國秦不絕其祀以陽  
人地賜周君奉其祭祀使蒙驁伐韓韓獻成臯鞏

括地志云

洛州汜水縣古之範國亦鄭之制邑又名虎牢漢之成  
臯鞏恭疎反今洛州鞏縣爾時秦滅東周韓亦得其地

又獻於秦

秦界至大梁初置三川郡二年使蒙驁攻趙定太

原三年蒙鵞攻魏高都汲

汲音怒括地志云高都故城今澤州是汲故在衛州所理

汲縣西南二十五里孟康云漢波縣今郿城是也括地

志云故郿城在懷州河內縣西三十二里左傳云蘇忿

生六十二邑

拔之攻趙榆次新城狼孟

括地志云榆次并州縣即古榆

郿其一也

次地也新城一名小平城在朔州善陽縣西南四十七

里狼孟故城在并州陽曲縣東北二十六里接取三十

七城并代朔

取三十七城四月日食四年王薨攻上黨

三州之地矣

上黨又反

初置太原郡

上黨以北皆太原地

魏將無忌

秦故攻之

率五國兵擊秦

信陵君也率燕趙韓楚魏之兵擊秦也

秦却於河外

蒙鵞殺五

國兵敗遂解而却至於河外河外陝華二州也蒙鵞敗解而去五月丙午莊襄

王卒子政立是為秦始皇帝秦王政立二十六年初并天下為三十六郡號為始皇帝始皇帝五十一年而崩子胡亥立是為二世皇帝三年諸侯並起叛秦趙高殺二世立子嬰子嬰立月餘諸侯誅之遂滅秦其語在始皇本紀中

太史公曰秦之先為嬴姓其後分封以國為姓有徐氏鄭氏莒氏終黎氏運奄氏菟裘氏將梁氏黃氏江氏脩魚氏白冥氏蜚廉氏秦氏然秦以其先造父封趙城為

趙氏



史記正義卷五

欽定四庫全書

史部

史記正義卷六

詳校官編修臣李如筠

欽定四庫全書

史記正義卷六

唐 張守節 撰

秦始皇本紀第六

史記六

秦始皇帝者秦莊襄王子也莊襄王為秦質子於趙

音質

致國強欲特弱之來相事故遣子及貴臣為質如上音國弱懷其侵伐各子及貴臣往為質音直實反又二國敵亦為交質音致左傳云周鄭交質王子見呂不韋姬孤為質於邯鄲公子忽為質於周是也

悅而取之生始皇以秦昭王四十八年正月生於邯鄲

及生名為政姓趙氏

正音政周正建子之正也始皇以正月旦生於趙因為政後以始皇

諱故

年十三歲莊襄王死政代立為秦王當是之時秦

音征

地已并巴蜀漢中越宛有郢置南郡矣北收上郡以東

有河東太原上黨郡東至滎陽滅二周置三川郡呂不

韋為相封十萬戶號曰文信侯招致賓客游士欲以并

天下李斯為舍人蒙驁王齮

齮魚綺反劉伯莊云音綺後同

庶公等為

將軍

庶彼苗反蓋秦之縣邑大夫稱公若楚制

王年少初即位委國事大臣

晉陽反

元年將軍蒙騫擊定之

二年庶公將卒攻卷

將子區反卒子必反卷邱員反

斬首三萬

三年蒙騫攻韓取十三城王齮死十月將軍蒙騫攻魏氏暘有詭歲大饑

四年拔暘有詭三月軍罷秦質子歸自趙趙太子出歸國十月庚寅蝗蟲從東方來蔽天天下疫百姓內粟千石拜爵一級

五年將軍騫攻魏定酸棗

括地志云酸棗故城在滑州酸棗縣北十五里古酸棗縣

南

燕虛長平

燕烏田反括地志云南燕城古燕國也滑州胙城縣是也姚虛在濮州雷澤縣東十

三里孝經援神契云帝舜生於姚墟即東郡也長平故城在陳州宛邱縣西六十六里

雍邱山陽

城

雍於用反汴州縣

皆拔之取二十城初置東郡冬雷

六年韓魏趙衛楚共擊秦取壽陵

徐廣云在常山按本趙邑也

秦出

兵五國兵罷拔衛迫東郡其君角率其支屬徙居野王

阻其山以保魏之河內

七年彗星先出東方見北方五月見西方

彗音似歲反見並音行練

反孝經內記云彗出北斗兵大起彗在三台臣害君彗在太微君害臣彗在天獄諸侯作亂所指其處大惡彗

在日旁子

欲殺父 將軍驚死以攻龍孤慶都

括地志云定州恒陽縣西南四十里

有白龍水又有扶龍山又定州唐縣東北五十四里有孤山蓋都山也帝王紀云望堯母慶都所居張晏云

堯山在北堯母慶都山在南相去五十里北登堯山南望慶都山也注水經云望都故城東有山不連陵名之

曰孤孤都聲相近疑即都山孤山及望都故城三處相近還兵攻汲彗星復見復扶富反

見行 西方十六日夏太后死子楚母也

八年王弟長安君成蟜

蟜音紀兆反成蟜者長安君名也號為長安君

將軍擊

趙反

將如字將猶領也又子匠反

死屯留

括地志云屯留故城在潞州長子縣東北三十里漢

屯留吁國也

軍吏皆斬死遷其民於臨洮

臨洮水故名臨洮洮州在隴右去京

千五百五十一里言屯留之民被成蟜畧衆共反故遷之於臨洮郡將軍壁死

壁邊覓反言成蟜自

殺壁壘之內

卒屯留蒲鶮反戮其屍

卒子忽反鶮音萬注同蒲鶮皆地名

河魚

大上

始皇八年黃河之魚西上入渭渭水也漢書五行志云魚者陰類臣民之象也十七年滅韓二十六

年盡并天下自滅韓至并天下蓋十年矣周本紀云十年數之紀也天下之所棄不過其紀明闕東後屬秦其象類先見也

輕車重馬東就食嫪毐

上躬虬反下酷改反

封為長信侯

予之山陽地

予音與括地志云山陽故城在懷州修武縣西北太行山東南

令毐居之

宮室車馬衣服苑囿馳獵恣毐事無小大皆決於毐又

以河西太原郡更為毐國

九年彗星見或竟天攻魏垣蒲陽

垣作垣垣音來括地志云故垣城漢縣治

本魏王垣也在絳州垣縣西北二十里蒲邑故城在隰州縣北四十五里在蒲水之北故言蒲陽即晉公子重

耳所居

四月上宿雍己酉王冠帶劔

冠音灌禮記云年二十而冠按年二

十一也長信侯毒作亂而覺矯王御璽

崔浩云李斯磨和壁作之漢諸帝世

傳服之謂傳國璽韋曜吳書云璽方四寸上勾交五龍文曰受命于天既壽永昌漢書云文曰昊天之神皇帝壽昌按二文不同漢書元后傳云王莽令王嬖逼太后取璽玉太后怒投地其角小缺吳志云孫堅入洛埽除漢陵廟軍於甄官井得璽後歸魏晉懷帝永嘉五年六月帝蒙塵平陽璽入前趙劉聰至東晉成帝咸和四年石勒滅前趙得璽穆帝永和八年石勒為慕容俊滅濮陽太守戴施入鄴得璽使何融送晉傅宋宋傅南齊南

齊傳梁梁傳至天正二年侯景破梁至廣陵北齊將辛術定廣陵得璽送北齊至周建德六年正月平北齊璽入周周傳隋隋傳唐也及太后璽以發縣卒

子忽反下同

及衛卒官騎

戎翟君公舍人將欲攻斬年宮為亂

斬臣衣反括地志云斬年宮在岐州

城西故城內

王知之令相國昌平君昌文君發卒攻毒戰咸

陽

括地志云咸陽故城亦名渭城在雍州北五里今咸陽縣東十五里秦孝公已下並都此城始皇鑄金人

十二於咸陽即此也

斬首數百皆拜爵及宦者皆在戰中亦拜爵

一級毒等敗走即令國中有生得毒賜錢百萬殺之五

十萬盡得毒等衛尉竭內史肆佐弋竭

弋音竭

中大夫令

齊等

令力政反中大夫令秦官也齊名也

二十人皆梟首

梟古堯反縣首於木上曰梟

車裂以徇滅其宗

說苑云秦始皇太后不謹幸即嫪毐始皇取毒四支車裂之取兩弟撲殺

之取太后遷之咸陽官下令曰以太后事諫者戮而殺之族藜其脊諫而死者二十七人茅焦乃上說曰齊客茅焦願以太后事諫皇帝曰走告若不見闕下積死人耶使者問焦焦曰陛下車裂假父有嫉妬之心囊撲兩弟有不慈之名遷母咸陽有不孝之行族藜諫士有桀紂之治天下聞之盡瓦解無向秦者王乃自迎太后歸咸陽立茅焦為傳又爵之上

卿括地志云茅焦滄州人也及其舍人輕者為鬼薪

言毒

舍人罪重者已刑戮輕者罰徒役三歲

及奪爵遷蜀四千餘家家房陵

括地

志云房陵即今房州房陵縣古楚漢中郡地也是巴蜀之境地理志云房陵縣屬漢中郡在益州部接東南一

千三百一  
十里也

四月寒凍有死者

四月建巳之月孟夏寒凍  
民有死者以秦法酷急則

天應之而史書之故尚書洪範云急  
常寒若孔注云君行急則常寒順之

楊端和攻衍氏

衍

善反在

鄭州

彗星見西方又見北方從斗以南八十日

十年相國呂不韋坐嫖毒免桓齮為將軍齊趙來置酒  
齊人茅焦說秦王曰秦方以天下為事而大王有遷母  
太后之名恐諸侯聞之由此倍秦也秦王乃迎太后於  
雍而入咸陽復居甘泉宮大索逐客李斯上書說乃止  
逐客令李斯因說秦王請先取韓以恐他國於是使斯

下韓韓王患之與韓非謀弱秦大梁人尉繚來說秦王  
曰以秦之彊諸侯譬如郡縣之君臣但恐諸侯合從翕  
而出不意此乃智伯夫差湣王之所以亡也願大王毋  
愛財物賂其豪臣以亂其謀不過亡三十萬金則諸侯  
可盡秦王從其計見尉繚亢禮衣服食飲與繚同繚曰

秦王為人蜂準

蜂字逢反準章九反蜂蠆也高鼻也文頴曰準鼻也

長目顰鳥膺

顰鳥鴈膺突向

前其性悍勇

豺聲少恩而虎狼心居約易出人下

易

政反言始皇居儉約之時易以謙卑

得志亦輕食人

言始皇得天下之志亦輕易而啖食於人

我布衣然見我常身自下我誠使秦王得志於天下天下皆為虜矣不可與久游乃亡去秦王覺固止以為秦

國尉

若漢太尉大將軍之比也

卒用其計策而李斯用事

十一年王翦桓齮楊端和攻鄴取九城王翦攻閼與橐

楊

漢表在清河十三州志云隸陽上黨西北百八十里也

皆并為一軍翦將十八

日軍歸斗食以下

一曰得斗粟為料

什推二人從軍取鄴安陽

桓齮將

十二年文信侯不韋死竊葬其舍人臨者晉人也遂

出之

臨力禁反臨哭也若是三晉之人逐出令歸也

秦人六百石以上奪爵遷

上音時掌反若是秦人哭臨者奪其官爵遷移於房陵

五百石以下不臨遷勿奪

爵

若是秦人不哭臨不韋者不奪官爵亦遷移於房陵

自今以來操國事不道如

嫪毐不韋者籍其門視此

籍錄其子孫禁不得仕官

秋復嫪毐舍人

遷蜀者當是之時天下大旱六月至八月乃雨

十三年桓齮攻趙平陽

括地志云平陽故城在相州臨漳縣西二十五里又云平陽戰

國時屬韓後屬趙

殺趙將扈輒

扈音戶輒張獵反趙之將軍

斬首十萬王之

河南正月彗星見東方十月桓齮攻趙

十四年攻趙軍於平陽取宜安

括地志云宜安故城在常州豪城縣西南二十

五里

破之殺其將軍桓齮定平陽武城

即貝州武城縣外城是也七閭

時趙

韓非使秦秦用李斯謀留非非死雲陽

括地志云雲陽城在

雍州雲陽縣西八十里秦始皇甘泉宮在焉

韓王請為臣

十五年大興兵一軍至鄴一軍至太原取狼孟地動

十六年九月發卒受地韓南陽假守

假格雅反守音狩

騰初令

男子書年魏獻地於秦秦置麗邑

麗力知反括地志云雍州新豐縣本周時

驪戎邑左傳云晉獻公伐驪戎杜注

云在京兆新豐縣其後秦滅之以為邑

十七年內史騰攻韓得韓王安盡納其地

韓王安之九年秦盡滅之

以其地為郡命曰潁川地動華陽太后卒民大饑

十八年大興兵攻趙王翦將上地

上都上縣今綏州等是也

下井陘

端和將河內羗羗伐趙端和圍邯鄲城

十九年王翦羗羗

胡罪反

盡定取趙地東陽得趙王

趙幽繆王

遷八年秦取趙地至平陽平陽在貝州歷亭縣界遷王於房陵

引兵欲攻燕屯中山秦

王之邯鄲諸嘗與王生趙時母家有仇怨皆阬之秦王

還從太原上郡歸始皇帝母太后崩趙公子嘉率其宗

數百人之伐自立為代王東與燕合兵軍上谷大飢

二十年燕太子丹患秦兵至國恐使荆軻刺秦王秦王

覺之體解

紅買反

軻以徇而使王翦辛勝攻燕燕代發兵

擊秦軍秦軍破燕易水之西

二十一年王賁

音奔

攻薊乃益發卒詣王翦軍遂破燕太

子軍取燕薊城得太子丹之首燕王東收遼東而王之

王于放反

王翦謝病老歸新鄭反昌平軍徙於郢大雨雪

雨于

過反深二尺五寸

二十二年王賁攻魏引河溝灌大梁城壞其王請降盡取其地

二十三年秦王復召王翦彊起之使將擊荊

秦號楚為荊以莊襄

王名子楚諱之故言荊也

取陳以南至平輿

輿音餘平輿預州縣也楚淮北之地盡入於秦

虜荊王秦王游至郢陳荊將項燕立昌平君為荊王反

秦於淮南

昌平也楚淮北之地盡入於秦

二十四年王翦蒙武攻荊破荊軍昌平君死項燕遂自殺

二十五年大興兵使王賁將攻燕遼東得燕王喜

燕王喜之

五十三

年燕亡還攻代虜代王嘉王翦遂定荊江南地

言王翦遂平定

楚及江南地降越君置為會稽郡

降越君

降閩江反楚威王已滅其餘自稱君長今降秦

置會

稽郡五月天下大酺

天下歡樂大飲酒也秦既平韓趙魏燕楚五國故天下大酺也

二十六年齊王建與其相后勝

音升齊相姓名

發兵守其西界

不通秦秦使將軍王賁從燕南攻齊得齊王建

齊王建之三十

四年齊國亡

秦初并天下令丞

令力政反乃今之赦令赦書

相御史曰異

日韓王納地效璽

效猶至見

請為藩臣已而倍約與趙魏合

從畔秦故興兵誅之虜其王寡人以為善庶幾息兵革

趙王使其相李牧來約盟故歸其質子

質音致

已而倍盟

反我太原故興兵誅之得其王趙公子嘉乃自立為代  
王故舉兵擊滅之魏王始約服入秦已而與韓趙謀襲  
秦秦兵吏誅遂破之荆王獻青陽以西已而畔約擊我  
南郡故發兵誅得其王遂定其荆地燕王昏亂其太子  
丹乃陰令荊軻為賊兵吏誅滅其國齊王用后勝計絕  
秦使欲為亂兵吏誅虜其王平齊地寡人以眇眇之身

興兵誅暴亂賴宗廟之靈六王咸伏其辜天下大定今  
名號不更無以稱成功傳後世其議帝號丞相綰御史  
大夫劫廷尉斯等皆曰昔者五帝地方千里其外侯服  
夷服諸侯或朝或否天子不能制今陛下興義兵誅殘  
賊平定天下海內為郡縣

郡人所  
羣聚也

法令由一統自上古

以來未嘗有五帝所不及臣等謹與博士議曰古有天  
皇有地皇有泰皇泰皇最貴臣等昧死上尊號王為泰  
皇命為制令為詔

令音力政反制詔三代無文秦始皇有之

天子自稱曰朕

王曰去泰

去音卯  
呂反

著皇采上古帝位號號曰皇帝他如

議制曰可追尊莊襄王為太上皇制曰朕聞太古有號

母諡中古有號死而以行為諡如此則子議父臣議君

也甚無謂朕弗取焉自今已來除諡法朕為始皇帝後

世以計數

色主  
反

二世三世至千萬世傳之無窮始皇推

終始五德之傳以為周得火德秦代周德從所不勝

勝申

證反秦以周為火德能滅火者  
水也故稱從其所不勝於秦

方今水德之始改年始

朝賀

周以建子之月為正秦以建亥之  
月為正故其年始用十月而朝賀

皆自十月朔衣

服旄旌節旗

旌音精旄音毛旗音其周禮云析羽為旌熊虎為旗旄旌節者編毛為之以象竹節漢

書云蘇武執節在匈奴牧羊節毛盡落是也韋昭云節者山國用人節澤國用龍節皆以金為之道路以旌節門闕用符節都鄙用管節皆用竹為之

皆上黑

以水德屬北方故上黑

數以六為紀

符法冠皆六寸而輿六尺六尺為步乘六馬更名河曰

德水以為水德之始剛毅戾深事皆決於法刻削母仁

恩和義然後合五德之數於是急法久者不赦丞相綰

等言諸侯初破燕齊荆地遠不為

于偽反

置王毋以填之

請立諸子唯上幸許始皇下其議於羣臣羣臣皆以為

便廷尉李斯議曰周文武所封子弟同姓甚衆然後屬  
疏遠相攻擊如仇讐諸侯更相誅伐周天子弗能禁止  
今海內賴陛下神靈一統皆為郡縣諸子功臣以公賦  
稅重賞賜之甚足易制天下無異意

易音以  
職反

則安寧之

術也置諸侯不便始皇曰天下共苦戰鬪不休以有侯

王賴宗廟天下初定又復立國是樹兵也而求其寧息

豈不難哉廷尉議是分天下以為三十六郡

風俗通云  
周制天子

方千里分為百縣縣有四郡故左傳云上大夫受  
縣下大夫受郡秦始皇初置三十六郡以監縣也郡置

守尉監更名民曰黔首大酺收天下兵聚之咸陽銷以

為鍾鐻金人十二重各千石

漢書五行志云二十六年有大入長五丈足履六尺

皆夷狄服凡十二人見於臨洮故銷兵器鑄而象之謝承後漢書云銅人翁仲其名也三輔舊事云聚天下兵器鑄銅人十二各重二十四萬斤漢世在長樂宮門魏志董卓傳云推破銅人十及銅鑪以鑄小錢關中記云董卓壞銅人餘二枚徙清門裏魏明帝欲將詣洛載到霸城重不可致後石季龍徙之鄴苻堅又徙入長安而銷之英雄記云昔大人見臨洮而銅人鑄至董卓而銅人毀也置廷宮中一法度衡石

丈尺車同軌書同文字地東至海暨朝鮮

暨其記反朝音潮鮮音仙

海謂渤海南至楊蘇台等州之東海也暨及也東北朝鮮國括地志云高驪治平壤城本漢樂浪郡王險城即

古朝  
鮮也  
西至臨洮羌中

洮吐高反括地志云臨洮郡即今洮州亦古西羌之地在京西千五

百五十里羌中從臨洮西南芳州扶松府以西並古諸羌地也  
南至北嚮戶北據河

為塞並陰山至遼東

塞先代反並日浪反謂靈夏勝等州之北黃河陰山在朔州北塞外

從河傍陰山東至遼東築長城為北界

徙天下豪富於咸陽十二萬戶諸

廟及章臺上林皆在渭南秦每破諸侯寫放其宮室作

之咸陽北阪上

今咸陽縣北阪上

南臨渭自雍門

今岐州以東雍縣東

至涇渭殿屋複道周閣相屬

複音福屬之欲反廂記云北至九變甘泉南至長楊

五柞東至河西至汧渭之交東西八百里離宮別館相望屬地木衣絳繡土被朱紫宮人不徙窮年忘歸猶不能

通也所得諸侯美人鐘鼓以充入之

三輔舊事云始皇表河以為秦東門

表河以為秦西門表中外殿觀百四十五後宮列女萬餘人氣上衝於天

二十七年始皇巡隴西

隴西今隴右

北地

今寧州也

出雞頭山

括

志云雞頭山在成州上祿縣東北二十里在京西南九百六十里鄠元云蓋大隴山異名也後漢書隗囂傳云

王猛塞雞頭即此也按原州高縣西百里亦有箕頭山在京西北八百里黃帝雞山之所過回中焉

括地志云回中宮在雍州西四十里言始皇欲西巡隴西之北從咸陽向西北出寧州西南行至成州出雞頭

山東還過岐州回中宮

作信宮渭南已更命信宮為極廟象天極

自極廟道通鄠山作甘泉前殿築甬道

築音竹甬音勇應劭云謂於馳

道外築牆天子於  
中行外人不見  
自咸陽屬之是歲賜爵一級治馳道

二十八年始皇東行郡縣上鄒嶧山

上時掌反鄒側留反嶧音亦國系云

鄒嶧山亦名鄒山在兗州鄒縣南三十二里魯穆公改鄒作鄒其山遂從邑變山北去黃河三百餘里立

石與魯諸儒生議刻石頌秦德議封禪

晉太康地記云為壇於泰山以

祭示增高也為壇於梁父以祭地示增廣也祭尚元酒而俎魚鴈皆廣長十二丈壇高三尺階三等而樹石太山之上高二丈一尺廣三尺秦之刻石云文望祭山川之事乃遂上泰山

秦山

一日岱宗東嶽也在兗州博城縣西北三十里山海經云泰山其上多玉其下多石郭璞云從泰山下至山頭百四十八里三百步道書福地記云泰山高四千九百丈二尺周迴二十里多芝草玉石長甘泉仙人室又

有地獄六口鬼神之府從西上下有  
洞天周迴三十里鬼神考謫之府  
立石封祠祀下風

雨暴至休於樹下因封其樹為五大夫

封作復音福

禪梁父

父音甫在兗州泗水縣北八十里

刻所立石其辭曰皇帝臨位作制明

法臣下脩飭

飭音勅

二十有六年初并天下罔不賓服親

巡遠方黎民登茲泰山周覽東極從臣思迹

從財用反

本原

事業祇誦功德

祇音脂

治道運行諸產得宜皆有法式大

義休明垂於後世順承勿革皇帝躬聖既平天下不懈

於治夙興夜寐建設長利

長直良反

專隆教誨訓經宣達遠

近畢理咸承聖志貴賤分明男女理順慎遵職事昭隔

內外靡不清淨施于後嗣化及無窮遵奉遺詔永承重

戒於是乃並勃海以東

並白浪反勃作渤諸忽反

過黃腫

腫逐瑞反字或作腫

括地志云黃縣故城在萊州黃縣東南二十五里古萊子國也年平縣城在黃縣南百三十里十三州志云牟平縣古

腫縣也

窮成山登之朶

朶音浮括地志云在萊州文登縣東北百八十里成山在文登

縣西北百九十里窮猶登極也封禪書云八神五曰陽

主祠之朶七曰日主祠成山成山斗入海又云之朶山

在海中文登縣古腫縣也立石頌秦德焉而去南登琅邪

今兗川東沂州密州

即古琅邪也

大樂之留三月乃徙黔首三萬戶琅邪臺下

括地

志云密州諸城縣東南百七十里有琅邪臺越王句踐  
觀臺也臺西北十里有琅邪故吳春秋云越王句踐二  
十五年徙都琅邪立觀臺以望東海遂號令秦晉齊楚  
以尊輔周室歃血盟即句踐起臺處括地志云琅邪山  
在密州諸城縣東南百四十里始皇立層臺於山上謂  
之琅邪臺孤立衆山之上秦王樂之留三月立石山上  
頌秦復十二歲復音福復三萬戶徙臺下者今琅邪臺作琅邪臺立石刻

頌秦德明德意曰維二十六年皇帝作始端平法度萬

物之紀以明人事合同父子聖智仁義顯白道理東撫

東土以省卒士

省山井反  
卒子忽反

事已大畢乃臨于海皇帝之

功勤勞本事上農除末黔首是富普天之下搏心揖志

器械一量

內成曰器甲冑兜鍪之屬外成曰械戈矛弓戟之屬壹量者同度量

同書文字

日月所照舟輿所載皆終其命莫不得意應時動事是

維皇帝匡飭異俗陵水經地

陵作凌猶歷也經界也

憂恤黔首朝

夕不懈除疑定法咸知所辟

音避

方伯分職諸治經易

音易

以鼓反言方伯分職治所理常在平易

舉錯必當莫不如畫

畫音戶卦反謂政理齊整

分明若畫

無邪惡

皇帝之明臨察四方尊卑貴賤不踰次行

音胡

郎姦邪不容皆務貞良細大盡力莫敢怠荒遠邇辟隱

辟正亦反專務肅莊端直敦忠事業有常皇帝之德存定四

極誅亂除害興利致福節事以時諸產繁殖黔首安寧

不用兵革

協韻音辣

六親相保終無寇賊驩欣奉教盡知法

式六合之內皇帝之土西涉流沙

解見夏紀

南盡北戶東有

東海北過大夏

杜預云大夏太原晉陽縣按在今并州遷實沈於大夏主參即此也

人迹

所至無不臣者功蓋五帝澤及牛馬莫不受德各安其

宇維秦王兼有天下立名為皇帝乃撫東土至于琅邪

列侯武城侯王離列侯通武侯王賁倫侯建成侯趙亥

倫侯昌武侯成倫侯武信侯馮毋擇丞相隗林

隗音五罪反

丞相王綰卿李斯卿王戊五大夫趙嬰五大夫楊樛

居音

北從與

上才用反下預言王離以下十人從始皇咸與

反刻頌議於海上

始皇議功德於海上立石於琅邪臺下十人名此頌前後序兩句為韻此二句為韻曰古之帝者地不過

千里

過音戈千里謂王畿

諸侯各守其封域或朝或否相侵暴亂

殘伐不止猶刻金石以自為紀古之五帝三王知教不

同法度不明假威鬼神

言五帝三王假借鬼神之威以欺服遠方之民若養宏之比也

以欺遠方實不稱名

稱尺證反

故不長久其身未歿諸侯倍

叛法令不行今皇帝并一海內以為郡縣天下和平昭

明宗廟體道行德尊號大成羣臣相與誦皇帝功德刻

于金石以為表經既已齊人徐市等上書言海中有三

神山名曰蓬萊方丈瀛洲

漢書郊祀志云此三神山者其傳在渤海中去人不遠蓋

曾有至者諸仙人及不死之藥皆在焉其物禽獸盡白而黃金白銀為官闕未至望之如雲及至三神山乃居水下臨之患且至風輒引船而去終莫能至云世主莫不甘心焉

僊人居之請得齊戒

與童男女求之於是遣徐市發童男女數千人入海求

僊人

括地志云亶州在東海中秦始皇使徐福將童男女入海求仙人止在一作至此州其數萬家至今

洲上人有至會稽市易者吳人外國圖云亶州去琅邪萬里

始皇還過彭城

彭城徐州

所理縣也。州東外城古之彭國也。搜神記云：陸終第  
三子曰錢鏗，封於彭，為商伯。外傳云：殷末滅彭祖氏，  
齋

戒禱祠，欲出周鼎，泗水使千人沒水求之，弗得，乃西南

渡淮水之衡山。

括地志云：衡山一名岵嶠山，在衡州湘潭縣西四十一里。岵音苟，嶠音樓。

南

郡

今荊州也。言欲向衡山，即西北過南郡入武關，過咸陽。

浮江至湘山祠。

括地志云：黃陵

廟在岳州湘陰縣北五十七里。舜二妃之神，二妃塚在

湘陰北一百六十里。青草山中，威宏之。荊州記云：青草

湖南有青草山，湖因山名。馬列女傳云：舜陟方死於蒼

梧二妃死於江湖之間，因葬焉。按湘山者乃青草山，山近

湘水廟在山南。

故言湘山祠。

逢大風，幾不得渡。上問博士曰：湘君何

神？博士對曰：聞之堯女舜之妻而葬此，於是始皇大怒。

使刑徒三千人皆伐湘山樹赭其山

赭音者

上自南郡由

武關歸

括地志云故武關在商州商洛縣東九十里春秋時少習也杜預云習商縣武關也

二十九年始皇東游至陽武博狼沙中

狼音浪

為盜所驚

求弗得乃令天下大索十日登之罘刻石其辭曰維二

十九年時在中春

中音仲古者帝王巡狩常以中月

陽和方起皇帝東

游巡登之罘臨昭于海從臣嘉觀

從才用反觀音瑄

原念休烈

追誦本始大聖作治建定法度顯著綱紀外教諸侯光

施文惠明以義理六國回辟

必亦反

貪戾無厭

於廉反

虐殺

不已皇帝哀衆遂發討師奮揚武德義誅信行威輝旁  
達莫不賓服烹滅彊暴振救黔首周定四極普施明法  
經緯天下永為儀則大矣哉宇縣之中承順聖意羣臣  
誦功請刻于石表垂于常式其東觀曰維二十九年皇  
帝春游覽省遠方逮于海隅遂登之衆昭臨朝陽觀望  
廣麗從臣咸念原道至明聖法初興清理彊內外誅暴  
彊武威旁暢振動四極禽滅六王闡并天下蓄害絕息  
永偃戎兵皇帝明德經理宇內視聽不怠作立大義昭

設備器咸有章旗職臣遵分各知所行事無嫌疑黔首  
改化遠邇同度臨古絕尤常職既定後嗣循業長承聖  
治羣臣嘉德祇誦聖烈請刻之罽旋遂之琅邪道上黨  
入

三十年無事

三十一年十二月更名臘曰嘉平賜黔首里六石米二

羊始皇為微行咸陽與武士四人俱夜出逢盜蘭池

括地

志云蘭池陂即古之蘭池在咸陽縣界秦記云始皇都  
長安引渭水為池築為蓬瀛刻石為鯨長二百丈逢盜

之處也

見窘武士擊殺盜關中大索二十日米石千六百

三十二年始皇之碣石使燕人盧生求羨門高誓

古仙人

刻碣石門壞城郭決通隄防其辭曰

此一頌三句為韻

遂興師

旅誅戮無道為逆滅息武殄暴逆文復無罪

復音福言泰以武力

能殄息暴逆以文訓道令無罪失故復除之

庶心咸服惠論功勞賞及牛馬

恩肥土域皇帝奮威德并諸侯初一泰平墮壞城郭

墮音

許規反壞音怪墮毀也壞圻也言始皇毀圻闕東諸侯舊城郭也夫自類曰壞音戶怪反

決通川防

夷去險阻地勢既定黎庶無繇

音遥

天下咸撫男樂其疇

女修其業事各有序惠被諸產久並來田莫不安所羣

臣誦烈請刻此石垂著儀矩因使韓終侯公石生求仙

人不死之藥始皇巡北邊從上郡入燕人盧生使

所吏反

入海還以鬼神事因奏錄圖書曰亡秦者胡也始皇乃

使將軍蒙恬發兵三十萬人北擊胡畧取河南地

今靈夏勝

等州奏

畧取之

三十三年發諸賞逋亡人贅壻賈人畧取陸梁地

嶺南之人

多處山陸其性

強梁故曰陸梁為桂林象郡南海

即廣州南海縣

以適遣戍

適音

直革反戍守也廣州記曰五嶺者大庾始安臨賀揭楊桂陽興地志云一日臺嶺亦名塞上今名大庾二曰騎田三曰都龍四曰萌諸五日越嶺西北斥逐匈奴自榆中並河以東屬

之陰山

屬之欲廣按五原今勝州也

以為三十四縣城河上為塞又

使蒙恬渡河取高闕

山名在五原北兩山相對若闕甚高故言高闕

陶山北假

中

酈元注水經云黃河經河目縣故城西縣在北假中北假地名按河目縣屬勝州名河北漢書地理志云

屬五原縣

築亭障以逐戎人徙謫實之初縣禁不得祠明星

出西方

三十四年適治獄吏不真者築長城及南越地

謂戍五嶺是南

方越地

始皇置酒咸陽宮博士七十人前為壽僕射

音夜

周

青臣進頌曰他時秦地不過千里賴陛下神靈明聖平定海內放逐蠻夷日月所照莫不賓服以諸侯為郡縣人人自安樂無戰爭之患傳之萬世自上古不及陛下威德始皇悅博士齊人淳于越進曰臣聞殷周之王千餘歲封子弟功臣自為枝輔今陛下有海內而子弟為匹夫卒有田常六卿之臣無輔拂

蒲幸反

何以相救哉

事不師古而能長久者非所聞也今青臣又面諛以重

陛下之過非忠臣始皇下其議丞相李斯曰五帝不相  
復三代不相襲各以治非其相反時變異也今陛下創  
大業建萬世之功固非愚儒所知且越言乃三代之事  
何足法也異時諸侯並爭厚招游學今天下已定法令  
出一百姓當家則力農工士則學習法令辟禁令力性  
反辟音  
避今諸生不師今而學古以非當世惑亂黔首丞相臣  
斯昧死言古者天下散亂莫之能一是以諸侯並作語  
皆道古以害今飾虛言以亂實人善其所私學以非上

之所建立今皇帝并有天下別黑白而定一尊私學而相與非法教人聞令下則各以其學議之入則心非出則巷議夸主夸口瓜反以為名異取以為高率羣下以造謗如此弗禁則主勢降乎上黨與成乎下禁之便臣請史官非秦記皆燒之非博士官所職天下敢有藏詩書百家語者悉詣守尉雜燒之有敢偶語詩書棄市偶對也

以古非今者族吏見知不舉者與同罪令下三十日

不燒黥為城旦所不去者醫藥卜筮種樹之書若欲有

學法令以吏為師制曰可

三十五年除道道九原抵雲陽塹山堙谷直通之於是  
始皇以為咸陽人多先王之宮廷小吾聞周文王都豐

武王都鎬豐鎬之間帝王之都也乃營作朝宮渭南上

林苑中先作前殿阿房

房白郎反括地志云秦阿房宮亦曰阿城在雍州長安縣西北

一十四里按宮在上林苑中雍州郭城西南而即阿房宮城東面也顏師古云阿近也以其去咸陽近且號阿

房

東西五百步南北五十丈上可以坐萬人下可以建

丈旗

三輔舊事云阿房宮東西三里南北五百步庭中可受萬人又鑄銅人十二於宮前阿房宮以慈石

為門阿房宮之北闕門也周馳為閣道自殿下直抵南山表南山之

顛以為闕為複道自阿房渡渭屬之咸陽以象天極

閣道絕漢抵營室也阿房宮未成欲更擇令名名之

作宮阿房故天下謂之阿房宮隱宮餘刑見於市朝宮

室養之乃可故曰徒刑者七十餘萬人乃分作阿房宮

或作麗山發北山石榑乃寫蜀荆地材皆至關中計宮

三百關外四百餘於是立石東海上朐界中以為秦東

門因徙三萬家麗邑麗音五萬家雲陽皆復不事十歲

盧生說始皇曰臣等求芝奇藥仙者常弗遇類物有害  
之者方中人主時為微行以辟惡鬼惡鬼辟真人至人  
主所居而人臣知之則害於神真人者入水不濡入火  
不爇而說反陵雲氣與天地久長今上治天下未能恬惓

願上所居宮毋令人知然後不死之藥殆可得也於是  
始皇曰吾慕真人自謂真人不稱朕乃令咸陽之旁二  
百里內宮觀二百七十復道甬道相連帷帳鍾鼓美人  
充之各案署不移徙行所幸有言其處者罪死始皇帝

幸梁山宮

括地志云俗名望官山在雍州好時縣西十二里北去梁山九里秦始皇起從山上見丞

相車騎衆弗善即此山也

從山上見丞相車騎衆弗善也中人或告

丞相丞相後損車騎始皇怒曰此中人泄吾語案問莫服當是時詔捕諸時在旁者皆殺之自是後莫知行之所在聽事羣臣受決事悉於咸陽宮侯生盧生相與謀曰始皇為人天性剛戾自用起諸侯并天下意得欲從以為自古莫及已專任獄吏獄吏得親幸博士雖七十人特備員弗用丞相諸大臣皆受成事倚辦於上上樂

以刑殺為威

五孝反

天下畏罪持祿莫敢盡忠上不聞過

而日驕下懾伏謾欺以取容秦法不得兼方

言秦施法不得兼方

者今民之有方伎不得兼兩齊試不驗輒賜死言法酷

不驗輒死然候星氣者至三

百人皆良士畏忌諱諛不敢端言其過天下之事無大

小皆決於上上至以衡石量書

衡秤衡也言表牋奏請秤取一石日夜有程期

不滿不休

日夜有呈不中呈

中竹仲反

不得休息貪於權勢至

如此未可為求仙藥於是乃亡去始皇聞亡乃大怒曰

吾前收天下書不中用者盡去之悉召文學方術士甚

衆欲以興太平方士欲練以求奇藥今聞韓衆音終去不

報徐市等費以巨萬計終不得藥徒姦利相告日聞盧生等吾尊賜之甚厚今乃誹謗我以重吾不德也諸生在咸陽者吾使人廉問或為詖言以亂黔首於是使御史悉案問諸生諸生傳相告引乃自除犯禁者四百六十餘人皆阮之咸陽使天下知之以懲後並發謫徙邊始皇長子扶蘇諫曰天下初定遠方黔首未集諸生皆誦法孔子今上皆重法繩之臣恐天下不安唯上察之

始皇怒使扶蘇北監蒙恬於上郡

括地志云上郡故城在綏州上縣東南五十里秦之上郡城也

十里秦之上郡城也

三十六年熒惑守心有墜星下東郡至地為石黔首或刻其石曰始皇帝死而地分始皇聞之遣御史逐問莫服盡取石旁居人誅之因燔銷其石始皇不樂使博士為仙真人詩及行所游天下傳令

傳逐聽反令力呈反

樂人誦絃

之秋使者從關東夜過華陰平舒道

括地志云平舒故城在華州華陰縣

西北六里水經注云渭水又東經平舒北枕渭濱破淪水南面通衢昔秦之將亡也江神送璧於華陰平

舒道即其處也

有人持壁遮使者曰為我遺瀉池君

遺庾季反瀉湖老反

括地志云瀉水源出雍州長安縣西北瀉池鄠元注水經云瀉水承瀉池北流入渭今按瀉池水流入來通渠蓋鄠元誤矣張晏云武王居瀉瀉池君則武王也伐商故神云始皇荒淫若紂矣武王可伐矣

因言曰

今年祖龍死使者問其故因忽不見置其壁去使者奉

壁具以聞始皇默然良久曰山鬼固不過知一歲事也

退言曰祖龍者人之先也使御府視壁乃二十八年行

渡江所沈壁也於是始皇卜之卦得游徙吉遷北河榆

中三萬家

謂北河勝州也榆中即今勝州榆林縣也言徙三萬家以應卦卜游徙吉也

拜爵

一級

三十七年十月癸丑始皇出游左丞相斯從右丞相去

疾守少子胡亥愛慕請從上許之十一月行至雲夢望

祀虞舜於九疑山

括地志云九疑山在永州唐興縣東南一百里皇覽冢墓記云舜冢在零

陵郡營浦縣九疑山言始皇至

雲夢望祭虞舜於九疑山也

浮江下觀籍柯渡海渚

括地志云舒州周安縣東按舒

過丹陽

括地去云丹陽郡故在閬州江

寧縣東南五里秦兼

至錢唐

錢唐今杭州縣

臨浙江水波惡乃

并天下以為鄣郡也

西百二十里從狹中渡上會稽祭大禹

上音上掌反越州會稽山上有

夏禹穴及廟

望于南海而立石刻頌秦德其文曰

此二頌三句為韻其

碑見在會稽山上其文及書皆李斯其字四寸畫如小指圓鐫今文字整頓是小篆字

皇帝休烈

平一字內德惠脩長三十有七年親巡天下周覽遠方

遂登會稽宣省習俗黔首齊莊羣臣頌功本原事迹追

守高明秦聖臨國始定刑名顯陳舊章

章音彰碑文作畫璋也

初

平法式審別職任以立恒常六王專倍貪戾傲猛率衆

自彊

碑文作率衆邦強

暴虐恣行

寒彭反

負力而驕數動甲兵

數音

朔

陰通間使

間紀莧反又如字使所吏反

以事合從

合音閭從字容反

行為

辟方

行下孟反  
辟反亦反

內飾詐謀外來侵邊遂起禍殃義威誅

之珍熄

珍田  
典反

暴悖

暴白報反  
悖音背

亂賊滅亡聖德廣密六合之

中被澤無疆皇帝并宇兼聽萬事遠近畢清運理羣

物考驗事實各載其名貴賤並通善否陳前靡有隱情

飾省宣義

飾音式省山景反飾  
謂文飾也省過也

有子而嫁

謂夫死有子  
棄之而嫁

倍死不貞防隔內外禁止淫佚男女絜誠夫為寄猘殺

之無罪男秉義程妻為逃嫁

謂棄夫而  
逃嫁于人

子不得母

言妻  
棄夫

逃妹  
乃失母子咸化廉清大治濯俗天下承風蒙被休經皆遵

度軌和安敦勉莫不順令

力呈反

黔首修潔人樂同則

樂音

岳

嘉保太平後敬奉法常治無極輿舟不傾從臣誦烈

從

音才用反烈美也所隨巡

從

諸臣咸誦美請刻此石

請刻此石光垂休銘還過

吳從江乘渡

乘音時升反江乘故縣在潤州句容縣北六十里本秦舊縣也渡渭京兆也

並

海上北至琅邪方士徐市等入海求神藥數歲不得費

多恐譴乃詐曰蓬萊藥可得然常為大鯨魚所苦

鯨音交苦

音若故反

故不得至願請善射與俱見則以連弩射之始皇

夢與海神戰如人狀問占夢博士曰水神不可見以大

魚蛟龍為候今上禱祠備謹而有此惡神當除去而善神可致乃令入海者齋捕巨魚具而自以連弩候大魚出射之自琅邪北至滎成山

即山也  
在萊州

弗見至之采見巨

魚射殺一魚遂並海西至平原津而病

今德州平原縣南六十里有張

公故城城東有水津焉後名張公渡恐此平原郡古津也漢書公孫宏平津侯亦近此蓋平津即此津始皇渡此津

而疾

始皇惡言死羣臣莫敢言死事上病益甚乃為璽

書賜公子扶蘇曰與喪會咸陽而葬書已封在中車府

令趙高行符璽事所未授使者七月丙寅始皇崩於沙

邱平臺

括地志云沙邱臺在邢州平鄉縣東北二十里又云平鄉縣東北四十里按始皇崩在沙邱之

宮平臺之中邢州去京一千六百五十里

丞相斯為上崩在外

偽反

恐諸公

子及天下有變乃秘之不發喪棺載輶涼車中

棺音館又古患

反

故幸宦者參乘所至上食百官奏事如故宦者輒從

輶涼車中可其奏事獨子胡亥趙高及所幸宦者五六

人知上死趙高故嘗教胡亥書及獄律令法事胡亥私

幸之高乃與公子胡亥丞相斯陰謀破去始皇所封書

去邱

賜公子扶蘇者而更詐為丞相斯受始皇遺詔沙

呂反

邱立子胡亥為太子更為書賜公子扶蘇蒙恬數以罪

數音色

具反

其賜死語具在李斯傳中行遂從井陘抵九原

抵丁禮反抵至也從沙邱至勝州三十里

會暑上輜車臭乃詔從官令車載

一石鮑魚

鮑白卯反

以亂其臭行從直道至咸陽發喪太子

胡亥襲位為二世皇帝九月葬始皇酈山始皇初即位

穿治酈山及并天下徒送詣七十餘萬人穿三泉

下銅

顏師古云三重之泉言至水也

而致樽宮觀百官奇器珍怪徙臧

滿之

言冢內作宮觀及百官位次奇器珍怪徙滿冢中臧才浪反

令匠作機弩矢有

所穿近者輒射之以水銀為百川江河大海機相灌輸

灌音館  
輸音戌

上具天文下具地理以人魚膏為燭

廣志云鮑魚聲如小

兒啼有四足形如鯉可以治牛出伊水異物志云人魚似人形長尺餘不堪食皮利於鮫魚鋸材木入項上有小穿氣從中出秦始皇家中以人魚膏為燭即此魚也出東海中今台州有之按今帝王用漆燈家中則火不減度不滅者久之

度音四  
洛反

二世曰先帝後宮非有子者

出焉不宜皆令從死死其甚衆葬既已下或言工匠為

機藏皆知之藏重即泄大事畢已藏閉中羨

音延下同  
謂冢中神

道下外羨門盡閉工匠藏者無復出者樹草木以象山

關中記云始皇陵在驪山泉本北流障使東西流有土  
無石取大石於渭山諸山括地志云秦始皇陵在雍州  
新豐縣西南十里

二世皇帝元年二十一趙高為郎中令任用事二世  
下詔增始皇寢廟犧牲及山川百祀之禮令羣臣議尊  
始皇廟羣臣皆頓首言曰古者天子七廟諸侯五大夫

三雖萬世世不軼毀

軼徒結反

今始皇為極廟四海之內皆

獻貢職增犧牲禮咸備毋以加先王廟或在西雍

於用反西

雍在咸陽西今岐州雍縣故城是也又一云西雍雍西縣也

或在咸陽天子儀當獨

奉酌祠始皇廟自襄公已下軼毀所置凡七廟羣臣以  
禮進祠以尊始皇廟為帝者祖廟皇帝復自稱朕二世  
與趙高謀曰朕年少初即位黔首未集附先帝巡行郡  
縣以示彊威服海內今晏然不巡行即見弱毋以臣畜  
天下春二世東行郡縣李斯從到碣石並海南至會稽  
而盡刻始皇所立刻石石旁著著下大臣從者名以章  
先帝成功盛德焉皇帝曰金石刻盡始皇帝所為也今  
襲號而金石刻辭不稱尺證反反始皇帝其於久遠也二世言始

滅六國威振古今自五帝三王未及既已襲位而  
見金石盡刻其頌不稱始皇成功威德甚遠矣如後

嗣為之者不稱成功威德丞相臣斯臣去疾

去兵呂反

御史

大夫臣德昧死言臣請具刻詔書刻石因明白矣臣昧  
死請制曰可遂至遼東而還於是二世乃遵用趙高申  
法令乃陰與趙高謀曰大臣不服官吏尚彊及諸公子  
必與我爭為之奈何高曰臣固願言而未敢也先帝之  
大臣皆天下累世名貴人也積功勞世以相傳久矣今  
高素小賤陛下幸稱舉令在上位管中事大臣鞅鞅特

以貌從臣其心實不服今上出不因此時案郡縣守尉  
有罪者誅之上以振威天下下以除去上生平所不可  
者今時不師文而決於武力願陛下遂從時毋疑即羣  
臣不及謀明主收舉餘民賤者貴之貧者富之遠者近  
之則上下集而國安矣二世曰善乃行誅大臣及諸公

子以罪過連逮少近官三郎

漢書百官表云有議郎中郎散郎又有左右三將謂

郎中車郎戶郎

無得立者而六公子戮死於社公子將閭昆弟

三人囚於內宮議其罪獨後二世使使令將閭曰公子

不臣罪當死吏致法焉將閭曰闕廷之禮吾未嘗敢不  
從賓贊也廊廟之位吾未嘗敢失節也受命應對吾未  
嘗敢失辭也何謂不臣願聞罪而死使者曰臣不得與  
謀奉書從事將閭乃仰天大呼天者三曰天乎吾無罪  
昆弟三人皆流涕拔劔自殺宗室振恐羣臣諫者以為  
誹謗大吏持祿取容黔首振恐四月二世還至咸陽曰  
先帝為咸陽朝廷小故營阿房宮為室堂未就會上崩  
罷其作者復土

謂出土為陵既成還  
復其土故言復土

酈山酈山事大畢

今釋阿房宮弗就則是章先帝舉事過也復作阿房宮

外撫四夷如始皇計盡徵其材士

謂材官蹶張之士

五萬人為

屯衛咸陽令教射狗馬禽獸當食者多

謂材士及狗馬

度不足

下調

度田洛反下行嫁反調田吊反謂下令調斂也

郡縣轉輸菽粟芻藁皆令

自齎糧食咸陽三百里內不得食其穀用法益刻深七

月戌卒陳勝

音升

等反故荆地為張楚勝自立為楚王居

陳遣諸將徇地山東郡縣少年苦秦吏皆殺其守尉令

丞反以應陳涉相立為侯王合從西鄉名為伐秦不可

勝數也。謁者使東方來，以反者聞。二世二世怒，下吏後使者至上，問對曰：「羣盜郡守尉方逐捕，今盡得不足憂。上悅。」武臣自立為趙王，魏咎為魏王，田儼為齊王，沛公起沛，項梁舉兵會稽郡。

二年冬，陳涉所遣周章等將西至戲。

戲音許，宜反。括地志云：戲水，源出雍

州新豐縣西南驪山，水經注云：戲水出驪山馮公谷東北，流今新豐縣東北十一里。戲水當官道，即至處。兵

數十萬。二世大驚，與羣臣謀曰：「奈何？」少府章邯曰：

朝甘反。

盜已至，衆彊，今發近縣不及矣。酈山徒多，請赦之，授兵。

以擊之二世乃大赦天下使章邯將擊破周章軍而走

遂殺章曹陽

括地志云曹陽故亭一名好陽亭在陝州桃林縣東南十四里即章邯殺周章處

二世益遣長史司馬欣董翳佐章邯擊盜殺陳勝城父

父音甫括地志云城父亳州所理縣

破項梁定陶

今曹州定陶縣

滅魏咎臨濟

今齊

州楚地盜名將已死章邯乃北渡河擊趙王歇等於鉅

鹿

括地志云邢州平鄉縣城本鉅鹿縣圍趙王歇即此城

趙高說二世曰先帝臨

制天下久故羣臣不敢為非進邪說今陛下富於春秋

初即位奈何與公卿廷決事事即有誤示羣臣短也天

子稱朕固不聞聲於是二世常居禁中與高決諸事其  
後公卿希得朝見盜賊益多而關中卒發東擊盜者毋  
已石丞相去疾左丞相斯將軍馮劫進諫曰關東羣盜  
並起秦發兵誅擊所殺亡甚衆然猶不止盜多皆以戍  
漕轉作事苦賦稅大也請且止阿房宮作者減省

上色反

四邊戍轉二世曰吾聞之韓子曰堯舜米稼不刮茅茨

不翦飯土墉啜土形雖監門之養

以讓反

不穀於此

又苦角反

爾雅云穀盡也言堯舜米稼不刮茅茨不翦飯土墉啜土形雖監門之人供養亦不盡此之疎陋也禹鑿

龍門通大夏

括地志云大夏今并州晉陽及分絳等州是昔高辛氏子實沈居之西近河言禹鑿

龍門河水道得大通并州之地不壅溢也

決河亭水

亭平也又云決亭壅之水

放之海身

自持築市

市音初洽反築牆杵也市鉞也爾雅云鉞謂之市

脛毋毛臣虜之勞

不烈於此矣

烈美也言臣虜之勞猶不美於此矣又烈酷也禹鑿龍門通大夏道決黃河洪水放

之海身持鉞杵使膝脛無毛賤臣奴虜之勤勞不酷烈於此辛苦矣

凡所為貴有天下者

得肆意極欲主重

直拱反

明法下不敢為非以制御海內

矣夫虞夏之主貴為天子親處窮苦之實以徇百姓尚

何於法朕尊萬乘毋其實吾欲造千乘之駕萬乘之屬

充吾號名且先帝起諸侯兼天下天下已定外攘四夷

以安邊境

音竟

作宮室以章得意而君觀先帝功業有緒

今朕即位二年之間羣盜並起君不能禁又欲罷先帝

之所為是上毋以報先帝次不為朕盡忠力

為于偽反

何以

在位下去疾斯劫吏案責他罪去疾劫曰將相不辱自

殺斯卒囚

卒子律反囚在由反謂禁錮也

就五刑

三年章邯等將其卒圍鉅鹿楚上將軍項羽將楚卒往

救鉅鹿冬趙高為丞相竟案李斯殺之夏章邯等戰數

却二世使人讓邯邯恐使長史欣請事趙高弗見又弗信欣恐亡去高使人捕追不及欣見邯曰趙高用事於中將軍有功亦誅無功亦誅項羽急擊秦軍虜王離邯等遂以兵降諸侯八月己亥趙高欲為亂恐羣臣不聽乃先設驗持鹿獻於二世曰馬也二世笑曰丞相誤耶謂鹿為馬問左右左右或默或言馬以阿順趙高或言鹿者高因陰中諸言鹿者以法後羣臣皆畏高高前數言關東盜毋能為也及項羽虜秦將王離等鉅鹿下而前

章邯等軍數却上書請益助燕趙齊楚韓魏皆立為

王自關以東大氏

丁禮反  
氏猶畧

盡畔秦吏應諸侯諸侯咸率

其衆西鄉沛公將數萬人已屠武關使人私於高高恐

二世怒誅及其身乃謝病不朝見二世夢白虎齧其左

驂馬殺之心不樂怪問占夢卜曰涇水為祟

雖遂反

二世

乃齋於望夷宮

括地志云秦望夷宮在雍州咸陽縣東南八里張晏云臨涇水作之望北夷

欲祠涇沈四白馬使使責讓高以盜賊事高懼乃陰與

其婿咸陽令閻樂其弟趙成謀曰上不聽諫令事急欲

歸禍於吾宗吾欲易置上更立公子嬰子嬰仁儉百姓  
皆載其言使郎中令為內應詐為有大賊令樂召吏發  
卒追劫樂毋置高舍遣樂將吏卒千餘人至望夷宮殿  
門縛衛令僕射曰賊入此何不止衛令曰周廬設卒甚  
謹安得賊敢入宮樂遂斬衛令直將吏入行射郎官者  
大驚或走或格格者輒死死死者數十人郎中令與樂俱  
入射上幄坐幃二世怒召左右左右皆惶擾不聞旁有  
宦者一人侍不敢去二世入內謂曰公何不蚤告我乃

至於此宦者曰臣不敢言故得全使臣蚤言皆已誅安得至今閻樂前即二世數曰足下驕恣誅殺無道天下共畔足下足下其自為計二世曰丞相可得見否樂曰不可二世曰吾願得一郡為王弗許又曰願為萬戶侯勿許曰願與妻子為黔首比諸公子閻樂曰臣受命於丞相為天下誅足下足下雖多言臣不敢報麾其兵進二世自殺閻樂歸報趙高趙高乃悉召諸大臣公子告以誅二世之狀曰秦故王國始皇君天下故稱帝今六國

復自立秦地益小乃以空名為帝不可宜為王如故便  
立二世之兄子公子嬰為秦王以黔首葬二世社南宜  
春苑中令子嬰齊當廟見受玉璽齊五日子嬰與其子  
二人謀曰丞相高殺二世望夷宮恐羣臣誅之乃詳以  
義立我我聞趙高乃與楚約滅秦宗室而王關中今使  
我齋見廟此欲因廟中殺我我稱病不行丞相必自來  
來則殺之高使人請子嬰數輩子嬰不行高果自往曰  
宗廟重事王奈何不行子嬰遂刺殺高於齋宮三族高

家以徇咸陽子嬰為秦王四十六日楚將沛公破秦軍  
入武關遂至霸上使人約降子嬰子嬰即係頸以組白  
馬素車奉天子璽符降軹道旁沛公遂入咸陽封宮室  
府庫還軍霸上居月餘諸侯兵至項籍為從長殺子嬰  
及秦諸公子宗族遂屠咸陽燒其宮室虜其子女收其  
珍寶貨財諸侯共分之滅秦之後各分其地為三名曰  
雍王塞王翟王號曰三秦項羽為西楚霸王主命分天  
下王諸侯秦竟滅矣後五年天下定於漢

太史公曰秦之先伯翳嘗有勲於唐虞之際受土賜姓  
及殷夏之間微散至周之衰秦興邑于西垂自繆公以  
來稍蠶食諸侯竟成始皇始皇自以為功過五帝地廣  
三王而羞與之侔善哉乎賈生推言之也曰秦并兼諸  
侯山東三十餘郡繕津關據險塞修甲兵而守之然陳  
涉以戍卒散亂之衆數百奮臂大呼不用弓戟之兵鉏  
耰白梃望屋而食橫行天下秦人阻險不守閭梁不闔  
長戟不刺彊弩不射楚師深入戰於鴻門曾無藩籬之

艱於是山東大擾諸侯並起豪俊相立秦使章邯將而東征章邯因以三軍之衆要市於外以謀其上羣臣之不信可見於此矣子嬰立遂不寤藉使子嬰有庸主之材僅得中佐山東雖亂秦之地可全而有宗廟之祀未當絕也秦地被山帶河以為固四塞之國也自繆公以來至於秦王二十餘君常為諸侯雄豈世世賢哉其勢居然也且天下嘗同心并力而攻秦矣當此之世賢智並列良將行其師賢相通其謀然困於阻險而不能進

秦乃延入戰而為之開闢百萬之徒逃北而遂壞豈勇  
力智慧不足哉形不利勢不便也秦小邑并大城守險  
塞而軍高壘毋戰閉關據阨荷戟而守之諸侯起於匹  
夫以利合非有素王之行也其交未親其下未附名為  
亡秦其實利之也彼見秦阻之難犯也必退師安土息  
民以待其敝收弱扶罷以令大國之君不患不得意於  
海內貴為天子富有天下而身為禽者其救敗非也秦  
王足已不問遂過而不變二世受之因而不改暴虐以

重禍子嬰孤立無親危弱無輔三主惑而終身不悟亡  
不亦宜乎當時也世非無深慮知化之士也然所以  
不敢盡忠拂過者秦俗多忌諱之禁忠言未卒於口而  
身為戮沒矣故使天下之士傾耳而聽重足而立拑口  
而不言是以三主失道忠臣不敢諫智士不敢謀天下  
已亂姦不上聞豈不哀哉先王知雍蔽之傷國也故置  
公卿大夫士以飾法設刑而天下治其彊也禁暴誅亂  
而天下服其弱也五伯征而諸侯從其削也內守外附

而社稷存故秦之盛也繁法嚴刑而天下振及其衰也  
百姓怨望而海內畔矣故周五序得其道而千餘歲不  
絕秦本末並失故不長久由此觀之安危之緒相去遠  
矣野諺曰前事之不忘後事之師也是以君子為國觀  
之上古驗之當世參以人事察盛衰之理審權勢之宜  
去就有序變化有時故曠日長久而社稷安矣秦孝公  
據殽函之固擁雍州之地君臣固守而窺周室有席卷  
天下包舉宇內囊括四海之意并吞八荒之心當是時

商君佐之內立法度務耕織修守戰之備外連衡而闘諸侯於是秦人拱手而取西河之外孝公既沒惠王武王蒙故業因遺策南兼漢中西舉巴蜀東割膏腴之地收要害之郡諸侯恐懼會盟而謀弱秦不愛珍器重寶肥美之地以致天下之士合從締交相與為一當是時齊有孟嘗趙有平原楚有春申魏有信陵此四君者皆明知而忠信寬厚而愛人尊賢重士約從離衡并韓魏燕楚齊趙宋衛中山之衆於是六國之士有寧越徐尚

蘇秦杜赫之屬為之謀齊明周最陳軫昭滑樓緩翟景  
蘇厲樂毅之徒通其意吳起孫臏帶佗兒良王廖田忌  
廉頗趙奢之朋制其兵常以十倍之地百萬之衆叩關  
而攻秦秦人開關延敵九國之師逡巡遁逃而不敢進  
秦無亡矢遺鏃之費而天下諸侯已困矣於是從散約  
解爭割地而奉秦秦有餘力而制其敝追亡逐北伏尸  
百萬流血漂鹵因利乘便宰割天下分裂河山彊國請服  
弱國入朝廷及孝文王莊襄王享國日淺國家無事及

至秦王續六世之餘烈振長策而御宇內吞二周而亡  
諸侯履至尊而制六合執捶拊以鞭笞天下威振四海  
南取百越之地以為桂林象郡百越之君俛首係頸委  
命下吏乃使蒙恬北築長城而守藩籬却匈奴七百餘  
里胡人不敢南下而牧馬士不敢彎弓而報怨於是廢  
先王之道焚百家之言以愚黔首墮名城殺豪俊收天  
下之兵聚之咸陽銷鋒鑄鐻以為金人十二以弱黔首  
之民然後斬華為城因河為津據億丈之城臨不測之

谿以為固良將勁弩守要害之處信臣精卒陳利兵而誰何天下以定秦王之心自以為關中之固金城千里子孫帝王萬世之業也秦王既沒餘威振於殊俗陳涉甕牖繩樞之子氓隸之人而遷徙之才能不及中人非有仲尼墨翟之賢陶朱倚頓之富躡足行伍之間而倔起什伯之中率罷散之卒將數百之衆而轉攻秦斬木為兵揭竿為旗天下雲集響應贏糧而景從山東豪俊遂並起而亡秦族矣且夫天下非小弱也雍州之地殽

函之固自若也陳涉之位非尊於齊楚燕趙韓魏宋衛  
中山之君鉏耒棘矜非銖於句戟長鎩也適戍之衆非  
抗於九國之師深謀遠慮行軍用兵之道非及鄉時之  
士也然而成敗異變功業相反也試使山東之國與陳  
涉度長絜大比權量力則不可同年而語矣然秦以區  
區之地千乘之權招八州而朝同列百有餘年矣然後  
以六合為家殽函為宮一夫作難而七廟墮身死人手  
為天下笑者何也仁義不施而攻守之勢異也秦并海

內兼諸侯南面稱帝以養四海天下之士斐然鄉風若是者何也曰近古之無王者久矣周室卑微五霸既殒令不行於天下是以諸侯力政彊侵弱衆暴寡兵革不休士民罷敝今秦南面而王天下是上有天子也既元元之民冀得安其性命莫不虛心而仰上當此之時守威定功安危之本在於此矣秦王懷貪鄙之心行自奮之智不信功臣不親士民廢王道立私權禁文書而酷刑法先詐力而後仁義以暴虐爲天下始夫兼并者高

詐力安定者貴順權此言取與守不同術也秦離戰國而王天下其道不易其政不改是其所以取之守之者異也孤獨而有之故其亡可立而待借使秦王計上世之事並殷周之迹以制御其政後雖有淫驕之主而未  
有傾危之患也故三王之建天下名號顯美功業長久今秦二世立天下莫不引領而觀其政夫寒者利裋褐而饑者甘糟糠天下之嗷嗷新主之資也此言勞民之易為仁也鄉使二世有庸主之行而任忠賢臣主一心

而憂海內之患縞素而正先帝之過裂地分民以封功臣之後建國立君以禮天子虛囹圄而免刑戮除去收帑汙穢之罪使各反其鄉里發倉廩散財幣以振孤獨窮困之士輕賦少事以佐百姓之急約法省刑以持其後使天下之人皆得自新更節修行各慎其身塞萬民之望而以威德與天下天下集矣即四海之內皆謹然各自安樂其處唯恐有變雖有狡猾之民無離上之心則不軌之臣無以飾其智而暴亂之奸止矣二世不行

此術而重之以無道壞宗廟與民更始作阿房宮繁刑  
嚴誅吏治刻深賞罰不當賦斂無度天下多事吏弗能  
紀百姓困窮而主弗收恤然後奸偽並起而上下相遁蒙  
罪者衆刑戮相望於道而天下苦之自君卿以下至  
於衆庶人懷自危之心親處窮苦之實咸不安其位故  
易動也是以陳涉不用湯武之賢不藉公侯之尊奮臂  
於大澤而天下響應者其民危也故先王見始終之變  
知存亡之機是以牧民之道務在安之而已天下雖有

逆行之臣必無響應之助矣故曰安民可與行義而危  
民易與為非此之謂也貴為天子富有天下身不免於  
戮殺者正傾非也是二世之過也襄公立享國十二年  
初為西時葬西垂生文公文公立居西垂宮五十年死  
葬西垂生靜公靜公不饗國而死生憲公憲公享國十  
二年居西新邑死葬衙生武公德公出子出子享國六  
年居西陵庶長弗忌威累參父三人率賊賊出子鄙衍  
葬衙武公立武公享國二十年居平陽封宮葬宣陽聚

東南三庶長伏其罪德公立德公享國二年居雍大鄭  
宮生宣公成公繆公葬陽初伏以御蠱宣公享國十二  
年居陽宮葬陽初志閏月成公享國四年居雍之宮葬  
陽齊伐山戎孤竹繆公享國三十九年天子致霸葬雍  
繆公學著人生康公康公享國十二年居雍高寢葬  
絢社生共公共公享國五年居雍高寢葬康公南生桓公  
桓公享國二十七年居雍太寢葬義里邱北生景公景  
公享國四十年居雍高寢葬邱里

立一作二也

南生畢公畢

公享國三十六年

作三十七年

葬車里北生夷公夷公不享

國死葬左宮生惠公

十年葬車里元年孔子行魯相事

惠公享國十年

葬車里康景生悼公悼公享國十五年

雍正紀作十四年

葬僖

公西城雍生刺

一作利

龔公刺龔公享國三十四年葬入

里生躁公

十四年居受寢葬悼公南也

懷公

四年葬櫟園氏

其十年彗星見

躁公享國十四年居受寢葬悼公南其元年彗星見懷

公從晉來享國四年葬櫟園氏生靈公諸臣圍懷公懷

公自殺肅靈公昭子子也居涇陽享國十年葬悼公西

生簡公簡公從晉來享國十五年葬僖公西生惠公其

七年百姓初帶劔惠公享國十三年葬陵圉生出公出

公享國二年出公自殺葬雍獻公享國二十三年葬罍

圉生孝公孝公享國二十四年葬弟圉生惠文王其十

三年始都咸陽

本紀云十二年作咸陽築冀關是十三年始都之

惠文王享國

二十七年葬公陵

括地志云秦惠文王陵在雍州咸陽縣西北一十四里

生悼武

王悼武王享國四年葬永陵

括地志云秦悼武王陵在雍州咸陽縣西十里俗名

周武王陵非也

昭襄王享國五十六年葬蒗陽

括地志云秦莊襄王陵在雍州

新豐縣西南三十五里俗亦謂為子  
楚始皇陵在北故亦謂為見子陵

生孝文王孝文王

享國一年葬壽陵生莊襄王莊襄王享國三年葬芷陽  
生始皇帝呂不韋相獻公立七年初行為市十年為戶  
籍相伍孝公立十六年時桃李冬華惠文王生十九年  
而立立二年初行錢有新生嬰兒曰秦且王悼武王生  
十九年而立立三年渭水赤三日昭襄王生十九年而  
立立四年初為田開阡陌孝文王生五十三年而立莊  
襄王生三十二年而立立二年取太原地莊襄王元年大

赦修先王功臣施德厚骨肉布惠於民東周與諸侯謀

秦秦使相國不韋誅之盡入其國秦不絕其祀以陽人

地賜周君奉其祭祀始皇饗國三十七年葬酈邑

酈力知反

生二世皇帝始皇生十三年而立二世皇帝享國三年

葬宜春

括地志云秦故胡亥陵在雍州萬年縣南三十四里上文葬以黔首也

趙高為丞

相安武侯二世生十二年而立

右秦襄公至二世六百一十歲

秦本紀自襄公至二世五百七十六年共年表

自襄公至二世五百六十一年三說並不同未知孰是

孝明皇帝

班固典引云後漢明帝永平十

七年詔問班固太史遷贊語中寧有非  
耶班固上表陳秦過失乃賈誼言秦之  
十七年十月十

五日乙丑日周歷已移

周初十世三十七年七百以五  
序得其道故王至三十七歲至

八百六十七歷數既過秦  
并天下是周歷已移也

仁不代母秦直其位

始皇以  
為周大

德秦代周從所不勝為水德之始也按周木德也秦水  
德也五行之運水生木木生火火生土土生金金生水  
所生者為母出者為子帝王之次子代母秦稱水是母  
代子故言若有德之君相代不母承其子直音值言秦  
并天下稱帝是秦  
德值帝王之位 呂政殘虐然以諸侯十三并兼天下

極情縱欲養育宗親三十七年兵無所不加制作政令

施於後王

謂置郡縣壞井田開阡陌不立侯王始為伏  
臘又置丞相太尉御史大夫奉常郎中令僕

射廷尉與客宗正少府中尉將作詹事水衡都尉監守縣令丞等皆施於後王至于隋唐矣 蓋得聖

人之威河神授圖

蓋者疑辭也言始皇之威能吞并天下稱帝疑得聖人之威靈河神之圖

錄

據狼狐蹈參伐佐攻驅除

狼音郎狼狐主弓矢星天官書云參伐主斬艾事言

秦據蹈狼狐參伐之氣驅滅天下

距之

上音巨之至也

稱始皇始皇既歿胡亥

極愚酈山未畢復作阿房以遂前策云凡所為貴有天

下者肆意極欲大臣至欲罷先君所為誅斯去疾任用

趙高痛哉言乎人頭畜鳴

畜許又反言胡亥人身有頭面口能言語不辨好惡若六

畜之

不威不伐惡

此五字為一句也

不篤不虛亡

言胡亥藉帝王之威器殘

酷暴虐滋已惡惡既深  
篤以至滅亡豈其虛哉

距之不得留殘虐以促期雖居

形便之國猶不得存子嬰度次得嗣冠音玉冠佩華紱

拂音車黃屋從百司謁七廟小人乘非位莫不怙忽失守

偷安日日獨能長念却慮父子作權近取於戶牖之間

竟誅猾臣為

于偽反

君討賊高死之後賓婚未得盡相勞

餐未及下咽酒未及濡脣楚兵已屠闕中真人翔霸上

素車嬰組奉其符璽以歸帝者鄭伯茅旌鸞刀嚴王退

舍

旌音精  
嚴音莊

河決不可復壅魚爛不可復全賈誼司馬遷

曰向使要有庸主之才僅得中佐山東雖亂秦之地可

全而有宗廟之祀未當絕也秦之積衰天下土崩瓦解

言秦國敗壞若屋宇崩頽衆瓦解散也

雖有周旦之材無所復陳其巧而

以責一日之孤

日音駟一日之孤謂子嬰

誤哉俗傳秦始皇起罪惡

胡亥極得其理矣復責小子

亦謂子嬰

云秦地可全所謂不

通時變者也紀季以鄆春秋不名

鄆音戶圭反括地志云安平城在青州臨

淄縣東十九里古紀之鄆邑帝王紀云周之紀國姜姓也紀侯潛齊哀公於周懿王王烹之外傳曰紀侯入為

周士竹書云齊襄公滅紀邢鄆部又括地志云邢城在青州臨朐縣東三十里鄆城在北海縣東北七十里鄆

城在密州安邱縣界音駢郿音謬按秦始起罪惡胡亥極得其理國既崩絕箕子比干尚不能存殷庸主子嬰焉能救秦之敗以賈誼史遷不通時變不如紀季之深識也紀季侯少弟不書名故曰紀季吾讀秦紀至於子嬰車裂趙高未嘗不健其決憐其志嬰死生之義備矣



史記正義卷六